


江油縣志

地 20.114  
34.1  
= 122





清乾隆廿六年瞿謙曾纂修本

江油縣志

中華人民共和國  
建國十周年張秀芝書

登錄号 218071

函 2 册

公元一九五九年  
九月成都古籍  
书店複製



江油縣志原序



夫有文可考有獻可徵以成一邑之乘此秉筆者之所樂也若典籍云亡故老靡存而欲搜討他書借資鄰域必身歷以稽訪焉不獨簿書冗雜居諸無暇即案牘稍清而跋涉溪山週行四境則亦難為有功矣能免掛一漏萬之譏乎江油雖邊隅僻處地介氏羌然自漢魏以來載名史冊豈閱數千百年而遂無可傳可紀者耶何往事之莫傳而目今之乏紀耶抑或遷徙無常沿革莫定而兵燹之頻遭耶嗚呼因陋就簡此前人之所安與斯土斯民相忘於渾渾穆穆之天而已余何為哉余奉命來宰是邑入境即索邑志無有也但見居人散處仄途叢棘或五里或十里鷄犬無聞村落罔覩時有怪鳥飛鳴於荒烟蔓草中而涪水日夜聲喧崇山濃霧不捲驗牌甲戶惟五百課丁賦額少半千幅幘不及附庸舟車不通商賈此即卓魯復生蠶

江油縣志

卷上

一

黃再出亦大費一番開闢功也況迂拙如余其何能濟且余思聖人之訓治也在庶富教人非土不生計江邑地既叢爾山居其七水居其二可耕者祇一分土耳一戶之土僅供數口多男則必出繼蓋地不足而人亟食也則庶之難財非積貯不裕獨江邑霧瘴四起而米不過夏穀不過冬謀食者終歲耳時豐或免啼饑稍歉遂報餬口蓋地氣蒸濕而蓋藏不謹也則富之難若夫學校荒蕪弦歌絕響雖鮮文翁雅化亦由志士乏人半讀半耕治生是急寡聞焉見積學何從甚至字不辨魯魚音不調平仄經史缺於几案師友疎於切磋教豈易言哉然庶富或限於天時地利而興學勸勉則由於人事十室必有忠信百里不乏一賢此固有司者之責而亦士人所當深自砥礪者也苟相與鼓舞以臻於文學之鄉將見家絃戶誦父作子述則有文可考矣釋褐登朝懷珍待聘則有獻可徵矣按舊日之封疆而復



之則地廣而人庶矣闢蠶叢之逕路而通之則貨集而富可期矣倚歎休哉庶可仰答

聖天子慤慤勸農崇學之至意而不負大聖人庶富教之垂訓也則余今日之所纂集者特嚆矢耳恐後之視今猶今之視昔故不量鄙陋妄為編錄聊存十一於千百以備後之君子增飾而補不逮云爾雍正五年歲次丁未夏五月望前一日

勅授文林郎知四川龍安府江油縣事兩克癸卯科丙午科鄉試同考官加一級紀錄三次彭趾序



江油縣志序

江油有志自前令彭君始彭修於雍正五年搜輯在明季兵燹文獻凋殘之後勒成一書至今賴之顧其時舊疆未復紀載僅今邑之半耳若雍正八年平武撥歸讓里三十二載之事故則未遑及焉余於丁丑冬抵任茲土嘗以硝磺之役陟天倉三奇諸峯縱目遠眺東西徑三百餘里南北半之而涪江雍水渺渺橫入煙霧間不知所際竊慨焉太息幅幘如是其大也由中以思地不愛寶崇巖之利日興人不辭山蜀道之難日集五方風氣既變古以成今三代富教應有加而無已職司百里恭膺

簡命謂何以慎固封守網維人心俾按圖考籍而知所指注與則續志一編義不容已者雖然蜀之志豔稱升菴玉壘方洲前明三太史

江油縣志 卷上

三

皇清因之乃臻完善江於蜀亦小體之一續之詎易易抑又思之必待才如良史需歲殷遙將物換星移邑之淪落而湮沒者何限耶第恐塵封案牘民方呼籲於堂階疊起疆圉日且奔馳於雨雪遂欲凝神息慮考文於斷碣殘碑徵獻於巖樞谷處是則難耳茲者仰托山川社稷靈佑訟庭少靜年穀亦豐而邑中要務如水利城垣祠廟學校亦隨力畧為振興每退而寢不覺山風江流醒我夙願於此志怍怍欲動矣且夫匡山之岫讀書之臺前哲藏修游息之所閱世希踪聞風向慕耆儒夙學詎云無人况 國家百餘年教澤深厚即玉堂金馬之英尚待崛起要自有探禹穴窺石室翹然於天柱龍門者出而相與慶同人之助焉於是謀之儒學彭君仁巖君永孝貢士王子士良寧子愚輩爰取彭君之志凡三十九目分類詳核而增定之其大者標孝友以重人倫廣節烈以維風化補鹽茶以足財賦列十甲



以定疆域至於鄉壩市場樓台八景解支俸工武職雜記則或  
附或畧焉為目三十有四自己卯冬始事辛巳春竣事非敢言  
文惟三十二祀之無徵是懼故謬托諸裨諶云時乾隆二十六  
年歲次辛巳春瞿緝曾叙

江油縣志

卷上

四



江油縣志卷上

星野



蜀為益州地史記天官書謂益州為參分河圖括地象云  
岷山之地上有井絡通志載成都井鬼之分入參一度龍  
安井鬼之分入參二度江邑界成龍之間星野可知也志  
星野

井鬼之分入參二度

江油縣志 卷上

五

江油縣志

建置沿革

溯自九州攸分因時制宜沿革各異或分而復合或合而  
復分國與天下其所由來遠矣列區區一邑云爾哉志沿  
革

禹貢梁州之域周秦氐羌地漢為廣漢郡剛氏道蜀漢為江油  
成兼置廣武縣屬陰平郡晉宋齊因之梁□□傑李龍遷所據  
後魏武帝置江油郡西魏置江油縣為江油郡治廢帝二年置  
龍州隋大業初改州為平武郡後改龍門郡唐武德初曰西龍  
門州垂拱中為正州天寶復曰江油郡又改靈應郡復曰龍州  
又改為聖縣宋仍曰龍州江油郡又改為政州復曰龍州寶祐  
六年徙治雍村今西南二十里舊縣與元至元間省江油縣入州至正中  
徙州治武都今縣陞為元帥府明洪武初徙治青川江油併入



梓潼十四年復置江油縣屬劔州嘉靖四十五年改屬龍安府  
皇清因之順治年間併入平武康熙元年復設縣編戶二里雍正  
八年撥平武讓里併入江油幅頓為倍云

江油縣志 卷上

六

江油縣志

疆域

今之江油元以前之郡與州也明則併入梓潼

國初又併入平武幾不復縣矣迨康熙元年復設始編戶二里  
至雍正八年割平武讓三甲益之幅頓武廓度幾埒於隣  
封焉志疆域

江油縣 轄中壩司

在府治東南東西距三百四十里南北距二百二十里

東二百里至劉家灣交劍州界

西九十里至通口河交石泉縣界

南四十里至黃樹坎交彰明縣界

北二十里至趙盤壩交平武縣界

東南九十里至黎壩廟飛鳳山交梓潼縣綿州界



東北二百五十里至宗坡山交平武縣界  
西南九十里至元坪子交彰明石泉二縣界  
西北一百三十里至青衣寨交平武縣界  
自縣至府城二百六十里至省城四百五十里至京城五千  
三百五十里

中壩巡檢司

在縣治南三十里東至全門壩世音觀交綿州梓潼界西至  
白鷺菴黃連橋通口交石泉界南至高泉山闔家場馬瀨山  
邊家溝交彰明界北至女兒壩楊家菴火峯山張家壩交縣  
典史界

江油縣志

形勢

邑重岡伏地峻嶺橫天東西二隅曲環郡治南北一路直  
達縣城乃涪水之咽喉寶龍安之門戶昔蜀漢有江油之  
戍至元開元帥之府亦巖疆險要用武地也志形勢

舊志云天山拱翠涪水滌酒居西蜀之上游通南楚之要道江  
山勝地漢魏名區



江油縣志

城池

金城湯池保障攸資無池已非設險周防之意別城垣久  
毀鎖鑰無司者哉故守土者即力難大舉而設法經營以  
次修整亦分所應然耳老城池

昔治在舊州附郭宋徙雍村即舊縣壩元時遷於武都即今城  
明天順中典史姜綱奏建成化初知縣桑時用馬月輝相繼修  
完建永安長寧二門正德中同知段溥甃以石高一丈五尺周  
三里計五百四十丈嘉靖初巡撫許廷光展修萬歷初知縣葉  
自新修益墻堞知縣安祚復墜串房環以濠明末遭張獻忠亂  
傾圮殆盡

國朝雍正初知縣彭趾修築改永安門曰昇東長寧門曰拱北  
乾隆初知縣魏文揚輔相繼修二十四年拱北樓圮知縣裴緝  
曾重建復補修東南二樓易其額北曰拱極東曰近光南曰迎  
薰置城門鎖鑰砌石數十餘丈將以次完繕焉



江油縣志

關隘

蜀匪咽喉其極則明李張賊之憂也依山憑水相土互防  
過其遊走之踪斷其聯絡之勢則關隘要矣軍民力守而  
野無私交又何滋蔓之難圖乎志關隘

中壩場

縣西南三十里接彰明太平場界水陸  
通商南賈輻輳為江油門戶設有巡檢

馬蹄岡

縣東四十里新開場市孤立山岡為西路  
中渠東路重華場匪經行要路設有兵役

黎堰廟

縣東八十里界連梓潼分趕場市  
亦中渠重華兩路遊匪經行要路

雙河場

縣東二十里近馬蹄岡匪類亦時至為  
朝陽獅子諸洞確匪透漏要路設有兵役

乾口

縣東北二百餘里兩山壁立中通一徑  
接三奇山嶺為匪東路令設卡

麻柳林

縣東北二百里沿溪一徑山深  
林密乃橫匪西路亦設卡守之

黃連橋

縣西北八十里通天倉山全光洞硝廠  
並石泉通口彰明看水諸場係中渠司

江油縣志 卷上

江油縣志

戶口

舊志載人丁七百九十九丁八分今編至三千七百二十  
而三合之 盛世滋生戶口六百九十七丁已增六分之  
五矣至清釐保甲生聚且盈萬戶視疇昔招徠日豈復有  
土滿之患乎志戶口

國朝自順治十年起至康熙五十五年遞增戶口三百九十九  
丁九分舊例以兩人朋一丁是年倍加共七百九十九丁八分  
其餘增益人丁欽奉

恩詔造入盛世滋生冊永不加賦雍正七年丁糧合併徵輸又  
雍正十年奉文於平武縣撥歸管輸至乾隆十九年止統計人  
丁三千七百二十三丁



江油縣志

田賦

邑治負山而居夙號七石三土間有平疇亦大麓微區多屬鄰邑者江壙則限於地之不廣山壙又苦於水之無多其餘塘堰全資雨集恃在天時固旱則惟正之供不事追呼云爾志田賦

全書原載額糧自順治十年清查起至雍正七年徵輸止每畝載糧中田二升四合中地一升六合每糧一石徵銀一兩八錢三分每糧二斗二合零載丁一丁每丁徵銀一錢六分二釐零通計丁糧銀四百二十五兩六錢八分四釐零雍正七年奉文丈量丁糧合併徵輸至乾隆十九年止除 籍田四畝九分不徵丁糧外花戶三千七百二十三戶墾輸中下糧山坡田地共一千七百七十四頃七十四畝四釐零內每畝徵丁糧銀中田

江油縣志

卷上

十

六分三釐零下田三分一釐零稻田一分二釐零中地四分二釐零坡地八釐零下地二分一釐零又雍正十年平武縣撥歸管輸每畝徵丁糧銀稻田一分二釐零中田一分二釐零下田八釐零中地一分二釐零下地八釐零山坡旱地八釐零通計共徵丁糧銀二千九百二十五兩一分六毫三絲六忽六微四塵五纖遇閏之年每銀一兩加徵八分二釐零平武撥管加徵九分二釐零

存留

一春秋致祭

文武二廟及山川社稷各壇祠原編銀五十二兩八錢因錢糧不敷每歲於地丁銀內扣留備祭共三十二兩內酌撥二兩

致祭厲壇

一廩生二十名每名歲支銀三兩二錢共銀六十四兩遇閏每



名加銀二錢六分六釐零

歲支

一龍安府知府俸銀一百五兩各役工食每名歲支銀六兩共銀四百八十六兩

一本縣知縣俸銀四十五兩 衙役三十一名內門子二名皂隸十四名馬快八名轎傘扇夫七名每名歲支工食銀六兩共銀一百八十六兩 又伴作一名工食銀六兩隨學伴作二名每名工食銀三兩共十二兩 又民壯八名每名工食銀八兩共六十四兩 又禁卒八名更夫五名每名工食銀六兩共七十八兩 又捕役二名每名工食銀六兩共十二兩 又斗級一名倉夫二名每名工食銀六兩共十八兩 又底鋪五顯柳林松抱女兒中壩六鋪司兵十八名每名工食銀六兩共一百八兩遇閏加增內奉文於司兵工食抽幫

江油縣志 卷上

十一

綿州一名歲支銀六兩

一巡檢俸銀三十一兩五錢二分 衙役二名內門子一名皂隸一名每名工食銀六兩共十二兩 弓兵六名每名工食銀八兩共四十八兩

一典史俸銀三十一兩五錢二分 衙役六名內門子一名皂

隸四名馬夫一名每名工食銀六兩共三十六兩

一教諭訓導每員俸銀四十兩共八十兩 門斗二名膳夫二名每名工食銀六兩共二十四兩

以上存留歲支共銀一千四百七十三兩四分所有支剩丁糧銀一千四百五十一兩九錢七分六毫三絲六忽六微四塵五纖兩次起運

藩庫

耗羨養廉



一丁糧耗羨銀四百三十八兩八錢零一五加徵鹽引耗羨銀  
 一百二十六兩七錢四分二釐 茶引耗羨銀一兩八錢一  
 分三釐七毫 共銀五百六十七兩三錢五分五釐七毫  
 一知縣養廉銀六百兩 巡檢養廉銀九十兩 典史養廉銀  
 八十兩 共銀七百七十兩除於耗羨銀留支外其不敷養  
 廉銀歲赴 藩庫請領

江油縣志

學校 小學額取八名

蜀自文翁建學人材之盛比隆齊魯厥後文章理學代生  
 賢豪江邑固僻壤哉始或謂

文廟起於治東地靈未應自移還城內亦越有年山川之氣于  
 以知積厚而流光也志學校

文廟

元至正間知縣李彥文建于高堂里明洪武初知縣周伯  
 汶移建城內正統時教諭饒旭成化時知縣張澄繼修明

御書

萬世師長扁額三十五年知縣于有慶繼修四十二年知  
 縣陳國修儒星門奉頌

御製

訓飭士子碑文雍正元年奉  
 旨建崇聖祠茶設五代玉牌位二年知縣彭址繼修四年奉頌

魁星閣

在文廟南乾隆二十六年知縣楊輔相移建城內

天柱書院

在縣署右知縣朱梓建移祀乾隆二十二年知縣魏文題  
 義學知縣萬詢詳給膏火乾隆二十二年知縣魏文題



曾請易今願改建大門重修  
正殿講堂增置兩廊學舍

江油縣志 卷上

江油縣志

祀典

書曰至治馨香感于神明夫祭祀之典即至治中極要者  
今將率民以邀福於神年穀順成人登壽域則先聖先賢

山川土穀常祀之外其顯佑於民者俱未可畧也志祀典

文廟

漢詔祀太牢諸侯王卿相至郡先福廟而後從漢北魏詔  
郡縣立學祀儒詔州縣仲春仲秋釋奠唐詔立專廟聖像  
衣衾冕南向未詔立門戟二十四明詔郡縣以下朔望行  
香始為木主稱

至聖先師

孔子名官鄉賢二祠附國朝定諡稱  
大成至聖文宣先師孔子雅正元年追封五代王故成聖為

武廟

崇聖祠二年復祀林放遜環秦冉顏何縣置鄭康成范甯  
翁黃幹陳淳河基王福趙復金履祥諸葛亮尹焞魏了  
清陸侃其並于學宮側建忠義節孝祠  
在城東雍正三年進封三代公春秋祀  
年知縣體緝曹改建大門升高聖殿

社稷壇

在城南  
風雲雷雨山川壇 在北



先農壇 在東郊雍正六年建每歲候文到日致祭行耕藉禮扶

犁九推九返耕畢望

城隍廟 在城隍廟康熙六年知縣楊輔相相繼重修

厲壇 在北 隆十八年知縣楊輔相相繼重修

文昌祠 即今天柱書院康熙五十二年知縣翟輝曾重修

魁星閣 在城 崇禎二年知縣朱樟自二聖祠移

火神廟 有二一在東關

馬神廟 在城合祀

萬壽宮 在城江

張桓侯廟 在城

五顯廟 在北

禹皇宮 在城南

土主祠 在紫龍山記梁李龍

江油縣志 卷上

川主祠 在王枕山俗謂二郎神乃秦蜀郡太守李冰子佐父鑽

康濟祠 在治西龍王觀

顯濟廟 在府



江油縣志

名宦

一代勲猷千秋俎豆粵稽西蜀自秦漢以逮

國朝官階雖異宦績各標蓋一命之士苟不忘所學則仰文翁

武侯諸先哲而興起焉者千載如一日也志名宦

後陸騰字顯聖龍州知州

宋洪咨夔浙江於潛人嘉泰二年進士任龍州知州江油民歲

明周伯汶江西南和人洪武年任知縣

文理均州人宣德年任知縣性剛政簡番寇

李藻貴州舉人正德年任教諭鄒蓋賊

潘大武貴州普定衛人嘉靖年任知縣平易近人

國黃極奉天人康熙十年任知縣

于有慶奉天人官生康熙三十五年

江油縣志

卷上

王士穎字學齋閬縣人康熙己卯科舉人五十五



江油縣志

人物

賢才不擇地而生今所無者既為昔所有昔所有者詎必  
今所無况

國家作育有年而磊落英多昔人規之截葉峻峨江城雖小山

勢于天豈亞峻極者哉志人物

唐李

白

字太白涼州人唐詩仙天寶初自蜀入京故姓李名白少好

任俠讀書匡山善賦詩號為謫仙人天寶初自蜀入京故姓李名白少好  
清平調上坐以七賢康手調羹賜之蓬直翰林嘗薦郭子儀  
為中興功首因為同列所謗詔許還山遂浪跡天下其碣碑  
云與其才不與其命飲酒非嗜酣樂取其骨以自賞作詩非  
事文律賦壯心遺餘年也後坐永王瑛事流夜郎會赦得還代  
宗稱左拾遺公已逝矣終于江南瑩宣城謝家青山子伯禽  
早年孫出遊不知所在孫女二儂子蒙大將改適能安義命  
辭曰無面目見先父乃止

明衛

信

舉孝廉知荊州秋滿當選民乞留之

江油縣志

卷上

十六

徐

忠

告進士任戶部主事淡于仕進官二年

孫

逢

吉監生任西當縣知縣建寧與農士氏感德



江油縣志

孝友

百行莫大於孝生我劬勞疇不知之顧自善詩流芳而聞風向慕以孝友著聞者郡治惟平武李芳一人豈孝德難言抑紀載之或缺與宜蒐而志矣志孝友

國朝袁州宰

生員袁好義次子母病數年不痊州宰禱于觀音山而頌向日後父兄竟脫得之烏

陳天爵

中壩人其母病危嘗到股以療後數年而毀儒學陳明書嘉其愚孝以繼世妻之

甯愚

貢生甯平壩人安貧讀書曾舉孝廉又舉優行皆不就惟始終一意事親極誠篤

江油縣志 卷上



江油縣志

烈女

蜀漢之李夫人羞與不義同食忠存千古尚矣其次從一而終不憚艱苦能養其親以育其子節非甚烈巾幗中亦豈易得者哉志烈女

漢李氏

守將馬邈不為備李曰近聞邊關告急君若豫入陰平徑達君為天子聽信黃皓禍不遠矣魏兵至日吾必降李唾其面曰父已入門邈忙出降李自縊死靜軒詩曰可憐西蜀多名將不及江油李氏賢陽亭有烈女祠

國將氏

康生舒繼董妻年二十九夫亡嘗割股以療姑病家貧典謀訓皆成名壽八十三奉

李氏

儒生羅運科妻年二十七夫亡善事翁姑年俱八十撫其子邦福康生孫基衍選貢知縣魏文旌其門

馬氏

訓導儒職女生員趙惜妻年二十五夫亡姑病每焚香請以身代今姑年八十二子元宗武舉會以為節孝之

舒氏

前生諱世儒童侯守妻年二十一夫亡子方半月女二歲使香告天請代姑病卒壽終子

雷氏

儒童名和鐘妻年二十五夫亡克諸室家勤儉創業子七皆成立

呂氏

武生王承正妻年二十六夫亡奉先惟謹督其子榮保有基業

王氏

子中榮成名妻年二十五夫亡選貢世良七儒童賸妻年二十夫亡以釋其痛逾年亦亡為合葬以

蕭氏

家士薛維棟妻年知縣楊輔相旌其門

沈氏

康生盧升瓊妻年二十七夫亡早夜織紡以勤家業子孫鶴不幸而殤撫姪成立今有

宋氏

苗節妻年二十二夫亡克盡孝道飲冰茹荼撫子永壽成名詞興家業令六十七歲

向氏

生員劉立魁妻年二十八夫亡若志守節撫子成家年七十三

侯氏

儒童彭氏苦守子俱成立署教諭表以額曰一門雙節

江油縣志



彭氏 雙鉅 偏妻 年二十  
守節 事見前

江油縣志 卷上

江油縣志

水利

溯自岷山導江水利溥矣顧水有長短之分利有大小之別限於地者苟可引漑惠政斯存正不必離堆瀟水之開鑿乃云因民所利而利之也志水利

一甲

江堰四道

文島堰 許敬堰 小河堰 山堰 一道 女亮堰 昔有女 舊堰 一

二甲

江堰三道

龍門堰 鐵佛堰 陳山堰 二道 天生堰 在西 聖恩

三甲

龍宮堰

水湧石 龍分 堰塘六十五口 筒車二架

河堰三道 黃家堰 馬家堰 趙家堰 堰塘二十六口



四甲

山堰一道 劉家堰 堰塘二十四口

五甲

山堰一道 堰塘六口

六甲

河堰一道 堰塘十六口 筒車一架

八甲

河堰三道 永興堰 大悲堰 廣成堰 山堰一道 龍潭堰 堰塘九口 筒車十

六架

九甲

山堰六道 松潘堰 牌樓堰 天生堰 堰塘一百二十口

十甲

堰塘一百口

江油縣志 卷上

江油縣志

津梁

乘輿濟人孟子曰惠而不知為政特引其偶然而立論耳  
苟無是心雖有政不行焉則夫隔澗斷崖支一石架一本  
不得謂非遺愛所及也志津梁

一甲

西平渡 安平渡 俱涪江

朱市橋 在東關舊橋今廢 登龍橋 南家橋 伍家橋 呂家橋 興

隆橋 新興橋 廻龍橋 永安橋 安鳳橋

二甲

仙女橋 寶子明過仙家 合江橋 鐵索橋 在團山雙峯神天中懸鐵索

人曹班二殿代惟一 作新橋 永遠橋 新貴橋 濟慈橋

僧能渡以司香火 種德橋 迎龍橋 豐樂橋 瞿家橋 龍漩橋 日新橋



復永橋

三甲

馬家沱渡

在中堤涪水入彰明界

岳家橋

大石橋

任家橋

高板橋

三星橋

復興橋

兩河橋

待全橋

彰江橋

四甲

江村渡

八洞橋

雙板橋

即倒石橋

六甲

永興橋

八甲

雍村渡

繆家渡

觀音灘渡

潘家渡

龍門渡

俱小河

雙龍橋

江油縣志

卷上

二一

九甲

龍潛橋

天生堰橋

雙河橋

龍潭橋

復興橋

柳堰橋

喻家橋



江油縣志

鹽茶法 附田房稅

火井之利江油缺如間崖山茗不得與趙坡水南白芽蒙頂比故為數無多鹽引則遞增至三百二十一張茶不過邊引七張而已志鹽茶

一鹽陸引共三百二十一張內潼引二百八十一張綿引四十張共徵稅銀八十七兩四錢四分四毫耗羨銀一百二十六兩七錢四分六毫硃力銀二兩二錢四分七釐內除耗羨銀扣支本縣養廉外餘銀俱二次起解 道庫

一茶邊引七張認銷名山縣共徵課銀八錢七分五釐稅銀三兩三錢四釐耗羨銀一兩八錢六分二釐硃力銀四分九釐內除耗羨銀扣支本縣養廉外餘銀俱起解 道庫

一田房稅銀歷係儘收儘解起運 藩庫



江油縣志

鋪遞

國家聲教遐宣鋪遞綦重江邑當成龍二郡之間往來公牘前  
此寄遞塘兵殊多未便嗣奉添設鋪司又循例支給工食  
迄今乃無慮焉老鋪遞

在城鋪

五顯廟鋪

柳林子鋪

城北二十里接  
平武白石鋪

松抱栢鋪

女兒堰鋪

中壩場鋪

城南三十里接  
彰明太平場鋪

以上六鋪每鋪司兵三名共十八名內抽幫綿州鋪司兵一  
名歲支工食銀六兩

江油縣志

卷上

二三

按舊志載西平驛置夫二十名馬二十匹又有巖溪鋪石子  
嶺鋪各置司兵今俱裁



江油縣志

十甲

城列三門鄉分十甲錯落重岡複嶺之間山麓少平則名  
為壩居人畧聚則號曰場新民漸倍舊民簡邑將成繁邑  
亦云度矣而七石三土謂富之何志十甲

一甲 縣城連二八十里距城約

武都壩 公子坪 柳林子 趙壩 治北二十里高堂

觀 東坪 大河灣 新開山 松抱栢 生栢故名 寶坪壩

安平壩 崩土坎 白楊溝 又名青林口路 羅漢院 萬壩

黃樹坎 治南四十里接彰明相傳張姓嘗

二甲 連一里九十里距城約三十

陽亭壩 分上中下 謝家溝 雙河場 日場期 檢石壩 接梓 歐家

壩 圖山坎 武接平

江油縣志 卷上

三甲 連一四八十里距城東西各九十里

女兒壩 關家村 中壩場 治南三十里接彰明水陸 鄧漕河

新店子 新開市 譚家坪 全門壩 燕子場 杜家河 治東九十里

大茅山 接梓 倒掛牌 响石壩 白岩 元坪子 治西八十里

通口河 治西九十里

四甲 連三十五里東接梓潼

小溪河 治東一百二十里 嚴家營 紅豆樹 新石龍 落陽橋

黃茅嶺 桐麻溝 毛水壩 江村口 雙板場 日場期

五甲 連三十四里東接梓潼

大茅山 孤居梓邑之東 杜家河 州接綿 白廟子 世音觀 苟

家河 黎壩廟 治東八十里接梓潼 狗漕子 高廟子

六甲 連四七十里接梓潼

風香溝 接梓潼 劍州 田家寺 寶子寺 燕子場 張村壩



馮家灣 小堰子 長坪 野馬堤 沉水 苦竹溝 興隆

場在皇統廟 佛耳岩接梓潼重華場

七甲連六甲距城二百五十里

劉家灣治東二百 牛欄溝 仙女山 大松樹 朱家河 宮

石堤 四顆石治東北二百五 五祖山 羅廟真 雁門堤

連七寨接昭化 木水堤 宗坡山治東北二百五 乾口 十八渡

西遊 欠溪河 費家堤

八甲連一三十一里西北接平武

鹽井堰舊有鹽 趙家溝 張家堰 天倉山 青衣寨治西北一百三

十里接平武 馬溺水 下庄壩 讀書台 唐村 梭子頭 舊縣

壩即首雍村

九甲連二四六甲距城七十里接梓潼

轉岩子 毛堤子 水柴溝 龍潭堰 牌坊堤 馬蹄岡六

江油縣志 卷上

十日場期 白沙坎 龍泉場三六九 猪頭堰歲早祈雨祭風于此 范家溝 白

泥堤 五福寺

十甲連一三十一里接梓潼

老鶯窩 柳樹溝 石子嶺 謝家漕 雙河場連二







六甲

老君山 雲盤山 盤龍山 朱家河 陰平下流 雁入許 江朝陽洞

蒙子記云在州南八十里高九百丈陰洞此洞當屬老君山

女洞 內昔有仙女在洗脚臺洗足形狀宛然 石佛岩

七甲

雲羅山 金子山 五祖山 諸山之祖 龍山 仙女山 天

有小石字宛如宗坡山與北二百七十龍山

字岩 如天字故名 西遊河 源自虎寨壩至松板雁門嶼西

鰲池 池深不可測有石小池 泓湧灌多畝 大佛灘 治東北二百

青川河

八甲

太華山 形如華岳 大匡山 又名匡山 戴天山 在太

倉二天倉山 廬青城北百二十里王匡志天倉首城之一峯杜光

注油縣志 卷上

洞元一名點燈山 讀書台夜有三重風門有張三平梁太乙洞

中石粉如麵食之可飽昔有好事者名深八七日火不繼而止見一

鐵船 百漚洞 潭水瀾碧 九龍洞 在太乙洞內下臨深壑

雍村河 又名小江 院流自平武松橋通入洛 失鶴池 在太乙山

有洗鉢僧觀音像

九甲

石碑山 雨壇山 龍宮寺 寺下源泉為檢石龍王塘

中將外鳩水扯盡以入三窟取水灌田

乾隆戊寅歲禱雨有應知縣費解曾為刻



江油縣志

古蹟

勝蹟未湮後之人可想見當年風會然而滄桑多變其與  
化而推遷者且千百十邑也茫茫宇宙求所以壽金石而  
垂不朽焉顧安所得耶志古蹟

江油故城

凡有三一在平武縣舊州距今縣一百二十里蜀漢  
在雍州唐因之宋寶祐六年通州移治雍州是也  
中道鎮元併入龍州至正

雍村

在縣治西宋進士雍  
此故名即舊縣與

讀書臺

有二一在大匡山一在燕煙山皆  
李白讀書處山畔有松遂名太白

鐵瓦殿

在觀音山相傳  
普賢大士勝迹

飛天藏

在國山建自宋元利度宏啟明  
季兵火不燬似有陰護之者

停驂樓

治東十里明知縣  
葉自新建今廢

江油縣志 卷上

超然亭

在國山賢真人故蹟  
明推官宋仲康建

感雨亭

在崇龍山明知縣余傑  
有龍山應故建亭今廢

仙遊台

在國山明知縣  
備道羅時霖建

千家膏雨坊

在東關為知縣  
王士頌建今廢

誦仙祠

在讀書  
台

如真觀

古碑蜀志云在太華山之望真  
觀此記最古今不可考

匡山碑

詩鐫李白出山  
碑缺不全

米元章碑

在城隍廟宋米芾書  
李白題江油尉廳詩

遊天倉洞記

穴碑在太乙洞明嘉靖壬子保  
軍府同知雲南葉松撰

寶圖山詩碑

有二俱明嘉靖  
間明真余仲撰

讀書臺詩碑

明嘉靖郭  
文淵題

圖山殘碑

有二一刻恬和子馬朝陽書人問天  
上天二字一刻色戴仁詩不全

重修樂靜菴碑

明邑人  
辛和撰



蛟龍碑 在圖山不全

海漫碑 在圖山明清

烈女祠 在陽亭 李氏祀 蜀漢守將

江油縣志 卷上

江油縣志

公署

蜀志引左氏云署者位之表也其地負陽答陰其事體國  
經野所係綦重矣居是位者體制宜崇修葺務勤或且諉  
為傳舍其餘又惡足論乎志公署

縣署 康熙六年知縣魏文儀門 聖諭坊 雍正十一年大

堂 康熙二十二年奉頒過廳 知縣翟輝 二堂 知縣陸 三堂 知縣

修廊房 桂馥軒 知縣王士 古廳 知縣朱 門房 廚房 衙

神祠 馬房 倉廩 六房 竊候房 知縣翟 土地祠 知縣翟

建前

典史署 在縣署右

教諭署 在文廟右 署 訓導署 在城東

巡檢署 在城南 雍正七年新設



督學院行署 在 文廟右 乾隆九年新建  
公館三間 知縣翟錕曾移建焉 院在西廊地基二畝存

江油縣志 卷上

江油縣志

倉廩

積貯者天下之大計也其在江油城有常平鄉有社穀  
國家酌一邑之貯存廣四方之儲蓄命有司以特斂散而經理  
之澤至溥也任至重也可弗謹與志倉廩

倉廩五十間 內奉文變價十二間

共額貯常平倉穀一萬二百五十石九斗九升二合八勺九

抄

社倉十九所

一甲 香林寺 二甲 三義 三甲 彌陀寺 天尊寺 文昌宮  
白岩寺 八甲 因明寺 九甲 蘇家觀 龍泉寺 觀音寺 十甲  
共貯社倉穀三千三百六十一石九斗二升九合 應年捐輸

十四  
斗止



江油縣志

禁獄

舊志云獄雖設而常空前此之風也今則習俗變於五方  
風氣難留古處囹圄之內反如福堂此之謂不能以堯舜  
之心為心有司之罪也又何尤焉志禁獄

監房一所內男監三間女監一間外墻二圍在縣署儀門右康熙五十二年創建

歷代修葺

羈候房二間

在縣署大堂左乾隆二十五年知縣瞿緝曾新設

江油縣志 卷上

江油縣志

寺觀

琳宮梵宇半在高山流水間其清淨足以滌凡塵其法教  
足以成善果亦自漢以來于今不廢而愚者或不免薄親  
俸以報庵觀則惑也仍舊貫可也志寺觀

一甲

東嶽廟

土主廟

祥光寺

在觀音山普賢大士道場飛閣凌空上覆銀瓦

香林寺

天池庵

羅漢寺

迎恩寺

海濟院

高堂觀

昔有孝子為母而建故名

二甲

桂香祠

在永隆山今

石家庵

神水寺

關帝廟

善覺寺

雲巖寺

在圖山唐乾符年勅建分東西二院東禪林西道觀舍千百家後遭兵火院宇荒廢僧了然重修

寶真

人殿

宋元間建雍正三年僧瑞安重修

佛定寺

三甲



文昌宮 在中壩有僧定安於官道成林 天后宮 福建 萬壽宮 江西 忠

義宮 江西 東嶽廟 彌陀寺 高寺 觀音寺 天尊寺 淨

土寺 含真觀 金輪寺 火峯山 心珠寺 普照寺 東

林寺 晒經寺 羅漢洞 白岩寺 禹皇宮 湖廣

四甲 射洪廟 普照寺 金寶寺 福嚴寺 妙明寺 天門寺

五甲 世音觀 黎壇廟

六甲 福壽寺 寒栢寺 皇統廟 福泉寺

七甲 漫寒寺

八甲

文昌宮 大悲寺 因明寺 大明庵 香林寺 太華觀 上有

三峯狀如華岳相石磬寺寺側有石洞其藥師院匡山寺

傳毛仙人修煉處

蜀初賜僧法和寺寺右有李白祠

九甲 佛嚴院 觀音寺 五佛寺 廣佛院 龍泉寺 蘇家觀

虎頭寺 金龍寺 報恩寺 菩提寺 龍宮寺 中觀音寺

十甲 大神廟 石家庵

江油縣志 卷上



江油縣志

職官

國家一命之士例得附載職官然非為寵異而已或司民社或掌教化其所建白雖不必盡登名宦但後之覽者可稱曰某某一二事功德在人亦庶幾斯志之不朽也志職官

知縣

宋謝伯林書與水利關赤甲

元李彥文堂里養士愛民高

明周伯汶

文 理 官詳名

安 和 年景泰

張 堂 廣成化年任

桑時用始成化年任

江油縣志 卷上

馬月輝 城化年任

潘大武 官詳名

余 槐 嘉靖年任

王向葵 嘉靖年任

江 曙 嘉靖年任

周 資 字少泉 楚人

葉自新 萬曆四年任

安 祚 萬曆六年任

岳 宗 詳未

國 詹慶道 江南寧國人

黃 極 官詳名

萬瑞麟 山西長治人

劉秉智 順天大興人



萬維賢 河南封邱人 丁酉舉人

于有慶 官詳名

李若元 山西靜樂人 癸卯舉人

陳圖 字苞文 江南江寧人 徵貢

朱樟 字鹿田 浙江錢塘人 邑舉人 康熙四十

王士穎 官詳名

彭趾 字基士 江南溧陽人 辛卯舉人

李愉 字廷治 山東利津人

陶總濟 順天大興人 庚子

陸翼 江南青浦人 癸巳

魏文 順天大興人 癸巳 進士 乾隆二年任

萬詢 湖廣麻城人 癸卯舉人 乾隆十一年署重

楊輔相 字錦華 浙江歸安人 丙辰舉人

江油縣志 卷上

曾曰瑞 江西南昌人 監生

張永泗 直隸清苑人 乙卯舉人

王朝 直隸南寧人 後貢

瞿緝曾 字熙仲 雲南楚雄人 邑舉人 志城隍武廟書院

主簿

明陳良 嘉靖任

錢銳 嘉靖任

張煥南 湖廣沅陵人 萬

巡檢

國甯承勳 河南滎陽人 監生

辜省齋 浙江平湖人 吏

馬秉彞 順天大興人 供

張元成 浙江仁和人 供



范大猷 江西南元和人 署

王基 山東海陽人 署

周應元 順天宛平人 監生 署

吳均 順天宛平人 監生 署

陳士英 順天宛平人 議叙 任

典史

明董子斌 景泰 任

姜綱 天順 任

孟添祿 嘉靖 任

董大 嘉靖 任

侯北 嘉靖 任

朝國許爾爵 康熙 任

黃起有 陝西華州人 康

江油縣志 卷上

李樹聲 陝西富平人 康

文楓 陝西富平人 康

鄒元錫 浙江山陰人 康

魏公韓 直隸成安人 供事 任

崔生璣 直隸唐縣人 康

徐騰蛟 江西南寧人 供事 任

范大成 雍正 任

周琬 雍正 任

王化貞 陝西甘泉人 任

王弘道 順天大興人 任

金明達 順天宛平人 署

江 順天宛平人 任

葉芳評 江西新建人 乾



茹錦 浙江山陰人 議叙

吳均 順天宛平人 監生

徐暲

驛丞

明王世祿 嘉靖年任

劉宣 嘉靖年任

教諭

明饒旭 正統年任 興立學校

李藻 詳名

周俊 嘉靖年任

忠言 嘉靖年任

國程遠 嘉靖年任 人丙子副榜

唐叔度 嘉靖年任 人癸巳舉

陳幹 嘉靖年任 人癸巳舉

熊游 嘉靖年任 人恩貢

吳維英 嘉靖年任 人恩貢

楊京遊 嘉靖年任 人恩貢

李維棟 嘉靖年任 人恩貢

白璩 嘉靖年任 人恩貢

陶景璠 嘉靖年任 人恩貢

陳鐸 嘉靖年任 人恩貢

祝岷 嘉靖年任 人恩貢

彭仁 嘉靖年任 人恩貢

訓導

明劉萬 嘉靖年任

葛勝芳 嘉靖年任

國趙晉 嘉靖年任 人歲貢

江油縣志 卷上



王英才 井研人 歲貢 康熙四十年任

饒士盛 資州人 歲貢 雍正六年任

陳明書 隣水人 歲貢 乾隆十年任

王猷 南光人 歲貢 乾隆九年任

嚴永孝 雅安人 歲貢 乾隆二十年任

江油縣志 卷上

江油縣志

選舉

蜀中山水奇秀風號才藪而散在列邑科甲或不少概見何與大抵瑰奇磊落之英金馬玉堂之士皆川嶽之氣厚積其盛以流光也志選舉

進士

宋場 邁 政和

陳大器 紹興 一作大臨

陳華 紹興

尚宸午 嘉定 一作震午

張請 淳熙

明丁 斌 永樂 丙戌科

徐忠 宣德 丁未科 歷主事

戴仁 嘉靖 辛丑科 歷主事

舉人

明衛 信 洪武 科 歷知府

雍天福 洪武 科 歷 鴻臚寺序班



丁 斌 永樂科

丁 璠 永樂科

徐 忠 宣德科

辛 和 嘉靖科

戴 仁 嘉靖科

吳國璉 崇正科

李文蔚 崇正科

朝國 楊廷杰 順治年

唐中言 康熙甲午科

楊芳春 雍正癸卯科

鍾 音 雍正己酉科

武舉

朝國 傅名世 雍正己酉科

羅大綸 乾隆癸酉科

趙光宗 乾隆丙子科

熊維翰 乾隆庚辰科

江油縣志 卷上

江油縣志

成均

本朝野無遺賢鄉會試外復有恩拔歲到孝廉方正優生之舉其仰副旁求而爭自樹立者勲名亦時與科目埒嗟乎士生今日何其幸也志成均

貢

明辛萬選 官科

宋及第

吳貢

朝國 舒紹董 元正

楊恒年 雍正元

袁尚錦 乾隆

鄭光斗 十四年

唐帝臣 十五

瞿南來 十七年

校貢

朝國 韓紹愈 康熙

袁神采



洪元遵 元正

宋 炎 六年

吳 昆 六年任

洪天育 元正

王世良 六年品行端方  
邑士多所造就

楊學洙 六年

李培元 十八年

羅基克 十八年

徽貞

呂大章

陶 俊

彭作哲

李猶龍

何 亨

羅雲繡 康

王綱肅 二十年

楊茂蘭 二十年

王 瑾 二十年

江 岱 三十一年

楊光雄 三十年

羅經國 三十三年

湯若霖 三十年

熊作哲 三十年

何養遠 三十年

筮 聰 四十一年

江油縣志 卷上

張鳳翼 三十四年

趙大成 四十四年

李 讓 四十四年

石懷瑾 七十四年

羅 傑 四十七年順  
慶府州導

許 銳 九十年

焦蓄德 五十年  
訓導

趙大猷 一百一十年

梁 彩 五十年

任 文 五十四年  
訓導

熊興周 五十年

何其遠 五十七年

筮兼善 五十九年

李春茂 六十年

楊廓雄 六十年

趙晉元 雍正元年

馬儒駿 二三年

張維典 三三年

賈文達 四四年

黨尚雅 六六年

薛光宗 六六年

李育世 八八年

舒 謨 元正

羅 壤 元年

舒 辰 五年  
訓導

宋 儒 八八年



荀容 九年

王朝英 十年

楊珣 十六年

呂廷楷 十七年

江緒海 十八年

楊芳聲 二十年

熊朝輔 二十一年

宋炳 二十一年

宋炯 二十一年

甯愚 二十三年  
以孝行著

藍生

明安繼祖

鄒萬邦

孫達吉

江油縣志 卷上

江油縣志

流寓

山水東天地之靈人材毓川嶽之秀邑有奇傑自命而已  
然名入樞士時或來遊來歌則勝繁蓋彰而流連慨慕之  
間風教亦多助焉志流寓

宋米

芾

字元章吳人稱海叔外史有書李太  
白題江油尉廳詩石刻今存城隍廟

元丁古山

石末詳湖廣黃州人元華進士  
避難階馬由峯訪道人元倉山洞

馮西峯

名籍未詳

郭文淵

字稚淵閩人魏錄麻仙更又辨  
道人嘉靖戊申自遊大匡山詩

余

仲楚人嘉靖辛亥  
遊圖山詩

江油縣志上卷終





江油縣志卷下

仙釋

二氏之教自儒先論之則曰人其人火其書而後快顧人心所向至遍天下後世勝地名山率皆之人之字豈神道設教固有感人於不自覺者與志仙釋

古晉賢大士為駐錫觀霧山欲立道場因山高風烈故募建鐵在

衣四子手石至今傳先有龜焉後有峨眉之語

唐法雲禪師宋時有僧道國結亭指下吟詩刻石淳熙癸卯遂

淨楊世牙為之書

寶真人至園山修道為彭明三薄後棄官隱于寶坪未幾

白日昇天今聖像供奉乾隆戊寅歲知縣瞿暉曾祈雨有應

粒我應仙膏

毛真人至今華山修煉道成仙云

江油縣志 卷下

元張真人末黃州丁古山馬西峯變服遠來欲訪以道三羊引

嘗應蜀獻王之召今洞內有塑像

朝破山和尚錫圖山能書善吟甚有禪行

了然和尚轉陝西人創修山嶺有法記

瑞生和尚江油人聰修廟宇渡索橋後險若長疑有神助云





江油縣志

風俗

風俗與化移易有自來矣然書云既歷三紀世變風移則  
司土者久於其任

國家之善政也洵如江邑五方風氣日且駢臻固未易言穰化  
者哉志風俗

尚儉務農不競詞訟行橫經負耒士有古風燕衣陋室人無侈  
志志近則人多雜處風異昔年江右楚秦為甚黔陽閩粵次  
之

江油縣志

卷下

江油縣志

物產

布帛菽粟之生古今之大寶也然日用而外山川所產或  
此有而彼無或此美而彼惡則又靈毓之氣生是使獨者  
地以物傳宜加詳焉志物產

五穀

稻 梁 菽 麥 蕎 粟 芝 蘇 干 穀 穀

布帛

絲 綿 絹 布 麻

飲食

茶 酒 油 蜜 兎 豆腐

器用

金唐志龍州貢 鐵 硝產岩 磺產三 楮紙 石燕子三



頂山 龍頭竹杖 霧山

蔬菜

瓜菜 薑 葱 蒜 韭 芥 蕨 茹 蘿蔔 瓠子

葫蘆 野芹 苜蓿 芋 莧 春不老 頗陵 莞荑 薺

藕 倭笋 四季豆 刀豆

花果草木

梅 桃 李 杏 梨 櫻桃 胡桃 栗 棗 蒲萄 石

榴 白菜 木桃 香椽 柑 木蘭 牡丹 芍藥 海棠

山梔 薔薇 木槿 桂

江油縣志 卷下

禽獸

鴟 鷹 雉 烏 鶯 燕 鷺 百舌 啄木 鵲 鴿

雀 畫眉 八哥 始鵝 報春茶一名喚起 雞 錦雞 山雞

鴛 鴦 鷓 鴒 鷓 鴒 虎 豹 狼 熊 鹿 猿 豺 狗

野猪 獐 兔 盤羊 野羊

鱗蟲

魚 蛇 鱉 蟹 蛙 蟬 蟾 蠶 蜂 螢 蝶 蜻 蜓

蟋 蟀 蜘蛛 蜈 蚣 螳 螂 蝟 蜈 蚣 螻 蛄

藥材

土 大 黃 沙 參 麥 冬 天 門 冬 半 夏 牛 膝 苧 蒲 車

前 香 附 地 丁 草 草 麻 蒲 公 英 白 朮 椒 柴 胡

兩 胡 瓜 薑 山 藥 百 合 紫 蘇 夏 枯 草 益 母 牛 蒡

子 枸 杞 茵 陳 金 銀 花 馬 兜 鈴 木 通 木 賊 紅 花



江油縣志

藝文

蜀之作者賦有馬揚詩有陳李其肇端矣而李則生長漫水之濱讀書匡山之岫者也前哲在望景行自不乏人惜兵燹後傳什一於千百而已志藝文

文

重修匡山中和寺碑記 葉泰 四年 諭饒 旭

江油西北數十里許有山曰大匡屹然特起樹木蒼翠其後羣峯若躡若馳四面諸山或起或伏磅礴扶輿勢若拱輔環而視之奧如曠如誠清淨無為之所宜高人釋子之樂棲也予嘗登高一望欲挹夫清淑之氣而極其懷抱復見殿宇矗雲佛像燦燦異香馥郁山花艷麗超然自失恍不知塵世之事為何如者嘆賞之際有二僧出而左右之審其所自各言其名乃住持中



和寺悟通悟體也夫寺肇自宋元有登無殿爰及我朝永樂四年始修正殿三間乃其師明鏡皆徒悟忠之所為明鏡勤修三十餘年不下山門明心見性事多前知遠近謁見無不欽禮可謂無媿如來教法迨明鏡與悟忠相繼圓寂所賴有悟通悟體在通之修行心本師傳體之經營志在修葺觀音殿創自景泰紀元天王殿又自去冬肇立佛像粧成金碧相映以及地藏之莊嚴羅漢金剛之森列不惟殿宇一新且復山門聳起是皆通體苦行堅久有足感動人者故能走鄉民陶磚瓦運木植鳩工匠更制度大規模于以光前于以裕後非僧中之傑然者乎工畢思以碑紀實而悟通忽于夢中得首賢太白之碑抑何異耶不知人有善願天必啟之苟通與體心誠功積神佛靈貺自有以鑒之是以默相證應而昭告于寤寐中也嗚呼世之士農工商苟能以二僧之心為心則何事不濟以二僧之行為行則何

江油縣志 卷下

業不成哉予重大舍繼祖之請曰述其山之巍我幽奧與寺

之始末與創碑文于石以垂永久云爾

遊天倉洞記

嘉靖

松

洞在江油西四十里天倉山上志曰太乙真人所嘗居名碧雲

宮又曰洞中高石細白如米麵故名嘉靖辛亥予承乏保寧聞

郡乘異其事無緣一登之以徵其說明年壬子督餉江油特聞

賢士大夫稱道天倉洞之勝乃七月戊戌約郡將致仕賓坪辛

子萬選國賓鳳山鄧子萬邦鄉進士蓮洲辛子和往遊焉山危

多歧以無鄉導為慮適黃冠穿然予來謁自謂嘗住洞中乃擊

之曰遊出城西十餘里渡雍溪即廢雍州之墟再十里渡白淮

溪止康濟龍神祠溪自北岩壁上瀑出先禱為滙而後為壑壁

色正白相傳元延祐庚申旱甚勅使祈龍而雨乃建祠賜金銀

又西循歎曰溪上碑厓幾十里渴甚超一山人家索茶小憩實



坪苦熱不能相從遂止予四人直跨嶺下張家埧望見水自西  
北來晶然有聲窅然子曰天倉溪也沿溪燒礪中下馬披荆棘  
北行五里東望石壁橫亘蔽天窅然子曰洞山也又五里抵天  
倉觀扁曰碧雲行宮宮中有老子像徧真詢之觀主 氏馬氏  
謂其先人丁右山黃州人元末舉進士避亂偕鄉人馬西峯變  
道者冠服卜是洞以居壑洞之麓以食子孫世以為宗若然古  
山西峯亦有見者也時已曠解鞍舉酒酒罷月出山空籟歌掃  
榻高卧簿書之餘可謂清適相與亟論二氏之與吾儒所以異  
同或舉忘無可忘無無既無真常應物如露如電萬形有盡惟  
理不朽等說要非章句書生可以易易譏評又舉羊叔子之探  
環王孝先之夢沂國范祖禹之夢高密皆吾儒者之先達不知  
何為其然也夜分乃寐已亥夙興直北上矩折而東過藏坪鬼  
門關嶺五華石雙 下一老僧執瓣香迎謂曰吾主此洞幾五

江油縣志 卷下

六

十年迎送有成不越此石蓋亦聞遠公虎溪之風者隨之行百  
餘武造一小佛刹甚莊嚴石像皆元宋以前故物坐定龕  
飲食蓋洞中風氣栗烈久暑之體 以締絡當之恐為寒所侵  
蓬洲素不勝酒亦勉强舉白而後起又百餘武造洞門高可十  
丈廣稱之石色 如白雁埧凸仰覆斷續曲直千態萬狀文非  
雕琢刻畫可施其功東進數百武風景如冬點如晦兼濁又數  
百武漸隘如門低不滿三尺躡蹠以入風愈勁能滅燭預銀火  
以防之俗呼為風門非也洞中皆風洞狹而勁勢度之然也過  
此高廣如初入時又低隘又高廣如是者三勢漸下聞水聲鏗  
鏘然洞主曰此天生橋也橋下水漸南下復有橋水愈下不可  
行昔蜀藩索繼人執燭下數十丈不可窮乃止又嘗以物放水  
中驗自白雁穴中浮出所謂仙米麵者洞中在在有意者風  
化石隨而成之遊人嘗和麥麵煮食之則長飽不化亦物理之



自然不足怪惟石之奇有太乙真人定處有張三丰藏身冢  
有蟠龍形有象鼻形有爛柯石亦皆時人因其似而神其說也  
出至洞口登天仙樓煦然如春洞主夏則居古像殿冬則居此  
樓以乘其旺氣蓋復始之理為之井泉且爾况洞中大者乎趨  
避寒煖變置冬夏信乎洞主受用之別也啟窻遠眺石泉以南  
龍安以北諸山先後如班行戢聯如僚屬賴如楫仰如侍下如  
拜坐岫嵒如揖高低間錯莫不靜好天倉溪水環抱山麓左右  
二翼氣欲飛動眾皆歎曰奇哉宜乎太乙真人之所居而以宮  
名之也坐觀移時不忍去無奈身繫于官勢不容緩乃出洞洞  
主送至五華石而別扶掖以下至行宮日又哺衆且言倦復止  
宿焉中夜雨從者曰苦昨不行也雨而後行崇溪路險何庚子  
質明雨止且添一段新涼神清行健不覺有去時之難者至前  
索茶人家荒度山路自此盤折陟山之極過無蓋寺斬木為閣

江油縣志 卷下

七

道度懸厓至洞不過十餘里何乃枉爾數十里耶窅然子曰所  
度正弟子昔所遊者久無高人登臨閣道就圯遂成榛蕪修復  
之固無難也行近龍祠南山廉纖作雨意甫入祠雨大作衆相  
慶曰幸勇著一鞭不爾不沾濕耶飲難奈飲已命駕雨忽開霽  
蓮洲曰暑溽而雨伏天之恒使已亥而雨耶則洞山不可得而  
遊矣使庚子而雨也則溪徑不可得而行矣甫入祠則雨及出  
祠則止能開衡山之雲夫子之謂也予嘆曰有是哉適然耳是  
日至止公署辛丑戎來會各矜其所見之勝竇坪曰惜吾中道  
而止也予曰試為子述之子以身為目可乎天下山水皆自崑  
崙而發蜀距崑崙不知其幾距岷山則密邇矣蜀之山水皆自  
岷山而發岷山之水為江之源山而顯者曰霧中曰鶴鳴則江  
以西之勝者也曰青城曰天倉則江以東之勝者也他山無論  
天倉左帶雍溪右帶本溪疊宕至太乙又疊宕至大匡至石磬



而後止大匡石磬之角絕無奇峯而太山之角奇峯逾百故山水之靈不勝于大匡石磬而獨勝于人此天倉洞之大凡也語不既蓮洲曰洞與大塊同闢于五三皇以上始置之蚕叢而下始五千餘年豈無達人高士一嘗或飯于其上至于今寂寥無聞焉無紀刻之遺也考五人者約同遊至而遊者裁四人人上萍梗飄蓬安知明年聚散何處遊興不盡皆陳迹矣不有說以紀之則後人他日之惜我輩不猶我輩今日之惜前人乎天子豈記之使遊興遊而未至者皆得以傳如之何予曰言之不傳之不遠地因人勝非以文焉爾吾與子之茲遊也始焉時與興遇情與景遇山經水緯舉目即自然之文奇實滿虛觸類皆無言之易大樸之質才焉而獨存無極之正居然而可玩既而時移則興已情適則景寂訝斯遊之莫追慨浮生之若夢瀾瀾乎直欲與造物者為徒鐘鼎竹帛不心于我為何物如斯而已誰能袖繡馬忠以為文贈矣斯世以祈傳哉蓮洲曰言必有物而後為文文不必工而後可傳斯亦可以為文矣可以傳矣遂命工而鐫之

江油縣志 卷下

八

重修樂靜菴記

嘉靖二十二年

邑人

和蓮洲

環江油皆山也惟白魚山則雄峙西北如鸞飛鳳舞自天而下分降合止狀似平湖疊嶂重巒四面旋繞蓋一方之勝槩也成化間秦僧照空雲遊入蜀見茲山水之美結菴其間靜坐不出者凡三年時則林莽茂密山野寂寥鹿豕往來遊卧于側照空危坐自如若與鹿豕相忘者人敬誦之居士衛覺聰遂舍茲山因與其徒寂惠寂明建釋伽殿一觀音殿一左右廊各一名曰樂靜菴木幾空師端坐而化正德二年徒寂明親赴禮部受度牒十二年復建天王殿一祖師龍神殿各一然猶病其規制狹小嘉靖三十年因觀音殿傾圮遂出其土之所入斬木于山



採石于原革其故而鼎新之經始于辛丑十二月落成于壬寅  
五月然後一卷之中殿堂門廡廣大悉備可以邁前修而利後  
學矣予惟佛西方之神也自漢入中國而其教盛行于天下人  
尊信之至于今不衰雖其空虛寂滅之說至誣世界乾坤為幻  
化而不復以人倫為重然以無念為宗無相為本廣大慈悲為  
德凡世之顛連而無告者得以藉其教業其業食其食以終其  
身固有羣聚作德之事則所以陰翊王化之不及者至矣故我  
朝開國之初凡淫祠不在祀典者悉毀去之而惟寺獨仍其舊  
蓋為此耳夫立之像以象教傳之經以言教秘之旨以心教如  
來之法也始之由象以達其意繼之由言以悟其精終之明心  
以鉤其元學者之事也今茲有地可為矣循若法以證若果當  
不勉為之乎夫如是則領悟圓通直超彼岸斯卷之建不惟于  
諸佛有光而澹泊無為之風可以回嗜利無已者之習其為王  
化翊者豈淺鮮哉寂明俗姓衛氏本縣人生時母茹荼則竟日  
不乳及長出家剛果有志且能事親友弟為鄉里所稱所謂墨  
名而儒行者徒然朋然友亦相與竭力贊襄共成其事法得附  
書云

江油縣志 卷下

九

重修超然亭暨東嶽殿記

康熙十一年

邑人楊廷杰

余嘗讀坡公超然亭記而知身遊物外無往而不自得然未見  
其地之超然也縣東北十五里許有圍山者昔唐彰明簿實子  
明羨其風雲所據山川所帶幽岫窮崖人獸而絕棄官修煉于  
此脫蛻崖間故以竇冠山名雙峯並峙左崖建竇真寶殿右崖  
建東嶽行宮自宋元迄今兩岸天塹無路可通相傳云子明繫  
鐵繩二條以通人跡跨鯨鯨于海市駕虹霓而蜺蜿傳雖誕而  
竇奇坪下有飛天藏元真觀化主殿清虛觀三清觀炳靈宮由  
此而登花鳥送人名曰境入蓬壺再登人從隙過名曰人間天



上三登人與雲過名曰碧雲洞天四登山如刀截而復斷名曰昇仙橋踰巔四望無際山水齊觀春淡冶如笑夏蒼翠如滴秋明鏡如妝冬慘淡如睡誠山之超然者也萬曆時龍安司李朱諱仲廉登眺其間見長烟一空皎月千里心曠神怡惜無止息處因建其亭想有鑒于坡公而名之歟越世已久頌祀更甚余讀書覽九山勝槩覺茲山不減太行孟門登臨其地蒞珠紫府或不是過心欲繼朱公而修之遣道人元真深合余意因捐貲令其經營托龍安生成感其美採木東山之陽里人張舉命匠鳩工始于康熙七年春及秋事竣見東嶽正殿中梁朽爛其功似急于亭但所費尤大力難兼舉因押疏持鉢有龍安民張榮藩邑生余人牧并山主蔣通等力為肩任考道經云廣乘之山天之東嶽也主歲星之首居九五青天之內茲山雖不足以比隆使行宮整飭傑出生入危之柄持福善禍淫之權其應如響疇

江油縣志 卷下

十

敢吝惜而功弗立見焉康熙十一年四月告成似與太行孟門無異所不若者宮闕樓觀不獲為名公賢士所品題耳余不敢謂一笠之益可幾獲福然山不在高有仙則名福非神作抑人之自為作也後之繼志者當有感于斯言

原文

改削

二聖祠碑記

康熙五十年

如縣

朱

樟

鹿田

江油當漢季時為蜀西南名郡相傳武鄉侯拒兵首連魯以重兵保障綿竹諸路茲地非其咽喉歟昔攷蜀志漢杜侯獨不一至蜀其所封漢壽故區即今之廣元地相去此鄉不下三百餘里侯如有神其心豈須更忘蜀哉蜀之祀侯者郡縣各有廟江城介在荒穢無復修舉邑人之祀侯者每歲制草芟為一席之地巫祝其間歌吹上下毋乃太褻乎宰江油之三年就其地立廟而配祠文昌取文武並尊之義夫張侯以孝友克家為鄉之賢達與壯侯之忠義遙相頌頡頏宜其兩侯並席如聯璧然也



向使兩侯仕或同時生身不壞一旦握手締交相得歡甚有不  
色飛神舞願結芳隣者必非情已廟既成虛中楹為朝賀慶  
祝之所移香林寺之位巍居城中綵仗繽紛泥金瑤座務使尊  
嚴屏迹野外作敬作忠之思將于是乎在後之君子嗣而葺之  
庶斯廟之不朽也

城隍廟碑記 康熙五十五年

前人

嘗攷祀典有功德于民則祀之能禱大災則祀之春而祈年秋  
而報功歲凡一舉郡縣之祀城隍蓋亦祈報之遺與江油之立  
廟也初于康熙六年之丁未前邑侯詹公履道構殿三楹越四  
十餘年榱題朽落瓦礫傾禱神之宅幾成穢墟矣予宰茲土之  
五年入其庭每顧而傷之為興復計竊自揣謂必肇致山木陶  
范土埴疲竭人力以期必濟毋乃傷厥財而勞我憚人何哉邑  
之諸生耆老持疏而請曰邑中之事幾繕完矣惟茲神廟上漏

江油縣志 卷下

下濕風雨不蔽人且不堪居而用以妥神褻玩實甚况神之有  
功德于江油實殷且渥也盛夏旱乾深秋水潦窮冬密雪侯以  
是祈神即以是應縣無惡歲人和年豐百役斯興誰與怨悃跪  
而言不允請不敢起也予乃欣然喜曰吾意決矣捐貲為士民  
倡各輸金謀重建焉工始癸巳迄丙申自殿庭而左右廡而門  
而垣更立寢宮張厥舊制度其丈尺廣其軒楹鐘鳴鼓應響震  
城郭凡四年而工成人有不畏官長而畏鬼神者眾矣謂鬼神  
之禍福之甚于桁楊也世之訟于官者若卑其堂廉減其牙爪  
汰其冠帶就訊者莫不頽語而目張陋其貌之不足生畏也况  
乎理幽事之神祈禳秘祝者哉廟列多像東西十司分領善惡  
昭其威也簿書功過鏡別妍媸剝燒春磨備極慘毒羅地府之  
窮竒鑄山林之不若莫不執像教以教之使愚夫愚婦鼻口相  
呀髀股交戰凡長吏告誡所不逮者入廟而懺之莫不欲以解



脫之恩資其冥福則勸懲之典默成此舉家諭而戶曉除暴而佑仁觀于廟而知王道之易行也邑之中鰥老童孺填滿城市舞躍惟呼請建碑記石垂億萬祀人無妨工家不墮財相彼樹木鬱然而陰也交乎堂室燦然而暈也神之格斯有不顧而樂之歟夫興廢舉墜有司之職也今有構緣募金膜拜化主謂緇黃浮屠者能之而郡縣吏乃不能焉柳何材力之弱且末耶廟田若干勒于鐘右後之君子有功德于斯民者亦于茲廟加其塗葺焉可也是為記

竇圖山東嶽廟碑記

康熙五十五年

前人

圖山之絕頂有傑閣焉飛甍四起層崖高張要必憑靈爽以為之主宰山不必神而神能神之山之有嶽殿由來舊矣其神主東方判生死筭龍綿梓劍之民奔走絡驛當首春時吹笙鳴鉦娑婆而饗之日以千百計而不虞廟之日即于傾圮也了然上

江油縣志

卷下

十二

人住錫有羊病且休矣行將拂衣而去予聞而固留之謂夫禮那之供養雲水之護持孰如上人及今不改修誰與改修者上人辭益力然而邑宰不能留也無已則請諸嶽神則其所以留上人者必最親且切乃上人病果起羊愈高而貌加豐疑默相然上人雖欲不改修焉而不可得已採木于山范土于穴布置嶽體指揮匠石工將告竣矣朱門洞戶絳節高居帝勅雲開鬼呼星遁而後登絕巖者若美髮之束于簪而人見其髻也夫人有不畏人未有不畏鬼神者其居家倨傲鮮腆一入廟而徬徨瞻顧心震目駭舉生平不可告人之事皆駢而闔伺之措身其間愧惡無地心望若神之惻然哀憐脫不測之區而馮湏臾之命者屢矣則非山之靈而神從而靈之亦非神之必欲靈其山而乞鬼于山者之若或靈之也上人有徒八歲能援索飛渡百丈繩橋捷若猱戲拔萎萃之峯登歡喜之岸則福善禍淫之說



迺告僖越應無不合掌稱噴者其必以是為普救之津梁也已  
功既成上人乞予序以勒諸石予因叙修廟之始末以紀之

修葺永安門昇東城樓記

縣人 彭 址

康熙壬寅冬余奉

天子命未治江邑囂喜地小民憊之可以守吾陞也及詔  
至聖先師廟見殿廡上漏下濕不蔽風雨四面竟無圍墻輒慨  
然有設法修築意至閱城時西門久塞祇留東南北三門又俱  
坍塌不堪欲為經理工費浩繁且較之

文廟不無先後次第焉者詎意癸卯初冬東城圍決裂危石險  
挿行人裹足至是殊刻難緩矣然上無可請下無可捐躊躇四  
顧厥工維艱益信前人徃徃欲行而不果也余不揣力綿事重  
惟計秋收已畢冬役可興遂鳩工庀材取木于山起夫于里遵  
古制除用力征三日外每日各給飯錢限期告竣喜五鄉之踴

江油縣志

卷下

十三

躍來前者均無難色築之登登百堵皆興而廣文王君相與董  
率其事所以兩月間費不及百金而城樓屹然都人士莫不稱  
神助焉蓋始其事于雍正元年孟冬之望後終其事于雍正元  
年季冬之望前也夫豈城不修春秋譏之余惟葺茲土而殫斯  
職敢曰金湯永固哉所望後之君子時加修葺于余更有光焉  
若天城之有樓雖今為之創始亦欲令吾民知  
國家經制森嚴無論短垣無鑽穴隙闔境安堵無虞云爾如謂  
登斯樓而山水可觀神怡心曠竟為玩遊之地斯豈余之志也  
夫斯豈余之志也夫

修建長寧門拱北城樓記

前人

江邑斗城舊設四門西則久塞南路窪僻行者稀踪其通省府  
驛道者惟東北兩門是賴稽古東為永安北為長寧兵燹之餘  
傾圯日積不獨啟閉無從且危石欲墮輿馬往來以及徒行負



擔之屬過其下莫不惴惴生恐惟心亦准在之初即欲改築修葺無如事大且急而財力乏也雍正元年因東門圯余既盡冬三月修永安門建昇東樓矣顧茲北門較東難甚郭外無居人一望荒烟蔓草十餘里不聞雞犬聲非先創立市場招徠貿易不可乃廣為勸諭遠近雲集畫基定界躬自位置雖各竹籬茅舍而數十戶老稚家室亦欣欣樂業焉適二年秋西城稍毀不獲倡率舉行然余心終耿耿不置時維中秋夕偕同官司訓王君邑尉徐君玩月城東相與商及其事成動色咨嗟曰事無逾此實大且急奈財貧力乏何余曰天下事亦顧其為之何如耳君不見永安之門昇東之樓非成之不日者乎譬人居室前有門而後無戶可乎今幸四野豐盈詎昨歲比何難鳩工而庀材也乘月步北相度權宜需石若干需木若干需灰瓦值食若干胞有成美爰彙五壩鄉保而言之僉唯唯聽命由是擇于雍

正三年孟冬經始迄于雍正四年孟春告竣其晨夕督率不憚風雨劬勞者實徐君之力居多余既樂觀其成而憑樓眺望見夫山川環拱橫亘其前者觀霧也矗立其下者天柱也接紫龍而居左者玉枕也引白魚而偏右者寶圖也且滄滄激石江波溪水聲相續也鱗鱗衡宇麥田蔬圃塍相錯也以視昇東勸農省歛無林木之蒙翳迺拱極北瞻雲就日覺耳目尤為爽愷也因顧曰拱北不禁慨然而興曰天下事亦顧其為之何如耳夫人艱于謀始而不究其大短于慮終而不籌其急苟且成習無惑乎前人諉之後人後人復諉之後人數十年來無有擬議及之者方今

聖天子留意邊陲各上憲歲檄修理江城彈丸未及三里雉堞無存崩塌成徑欲一舉而新之夫豈易易余承乏茲土量力審時特就其大且急者圖之以期上不負君命而下不孤民



望而已雖然事之大且急者正不止此也若文廟之宜移文閣之宜建似不得以財貧力乏而姑緩焉者有志未逮倘邑中人士肯毅然起而肩其任余將鼓之舞之復濡毫伸紙以記其盛矣又豈僅區區東北兩樓為一邑之門戶也哉

募建北關文昌閣疏

前人

江邑之祀文昌不一矣或名祠或稱宮或為樓殿雖新舊各殊然俱僻處鄉村山麓木石但需整葺基宇固皆無恙獨閣之在城西北者自遭兵燹後蕩然無復可因余任事以來訪諸父老僉云西北形勢山風迅射市井氣散舊有閣以蔽災而聚秀故閣圯則西門塞而留北門者因通龍安大道也余聞之欲倡率復建患無措手處蓋城闈久毀郊原荒蔓即或創之將誰與守不亦空勞財力而非可久之美耶茲既設場市于昨春復造城樓于今臘歲值豐亨物咸安阜則斯閣似不容不議興矣且邑

江油縣志

卷下

十五

雖福小詩書之澤未湮也招徠之戶漸廣也其為商賈托業者亦自不乏而顧任其衰氣乘而生聚耗不為斯土之安全計歟抑余因之而有感焉方今琳宮梵宇猶事鼎新社廟神堂尚思修築况茲閣所奉上應台垣司文章之祿命屏涼薄之風聲其為功于一邑者何如乃廢焉不舉豈獨宰責亦士庶之耻哉所幸紳衿中有心者命賈圖山僧勸募于境內夫合力則輕衆擊則易量其力之所能隨其意之所願勿強勿吝此唱彼和或者其有濟耶不然從善如登為一事必有一物出而敗之吾恐終為築舍之謀故勉綴數語以邑之請于斯耕于斯而貿易于斯者

甯孝子記

暨編曾

甯貢生憑江油賈坪壩人其先直隸人祖海武舉任南昌郡千總父國棟入川娶麻氏家中壩子二長即憑憑善讀書文字皆



根柢儒先試輒高等以孱弱遠近士人多以不獲奉教為憾其  
平居閉戶尚友千古余抵任數月未一見也歲當序貢有言其  
不屑應者余異之召見狀貌清癯端凝雅靜疑若古之清節士  
問其故以不及早成名為父母先故無志為辭余乃勗以國  
家之恩愚不得已成貢士松潘教授祝君岷署學篆為言乾隆  
元年愚嘗舉孝廉後八年又舉優生皆不就惟惓惓寸念舍父  
母無所歸戊寅冬觀察張公巡縣祝君上其行將舉孝子以格  
于例贈孝子詩二首其事實曰愚家貧少讀書寧食粥飲以所  
節奉父母毛髮齒甲之類無敢棄父病憂形于色反哺數十日  
不倦及執喪一遵古禮哀毀骨立葬後作草廬墓側既而遷其  
家守之不去朝夕捧盥洗侍命如生其不經食之物不及獻之  
新却弗嘗也祭祀惟謹生忌哭盡哀妻戴氏亦循循如其禮己  
卯夏余因勘他事造其廬茅屋三間中奉其父母木主餘無別  
物左右書史而已其子髻齡進退不失儀叩之已能讀父書庶  
乎能光顯潛德者嗟乎世之徇名忘實者多矣愚也守身事親  
幾於三公不可易一日之養具清節有過人者是大可風於名  
教也于是乎記



太白論

瞿緝曾

王生業鴻為太白論以質予蓋緣太白坐永王璘事而發論也予嘉其意為更進一說焉太白者知章曰謫仙子美曰酒中仙是人也而仙矣豈猶夫庸夫俗子為富貴利達所束縛者乎如可束縛必不能為酒中之仙必不能為謫仙之句而白也無詩不仙即無時非酒無詩不酒即無時非仙仙寓之乎詩詩發之于酒有酒有詩太白人也而仙矣天子呼來且不上船何知夫永王璘哉是故子儀之忠不能為白也罪代宗之明轉以為白也官非狗才名非憐遠竄知白之為謫仙也酒中仙也浮雲於富貴者也世無知白盍與之醉斗酒而誦白也詩

江油縣志 卷下

七

栽花叢賦

前人

壬寅之臘余初入署荒穢盈庭垣壁不墜門雖設而難開窓脫櫺而僅具敗几破榻舉眼惟天狂流激湍觸耳疑雨而何有于花木又何情乎園圃爾乃勤為灑掃徐為修葺因陋就簡補罅避濕經之營之苟完粗給遂散步于堦除斯種藝之是及爰有蔬圃在署之右分十有三為園為廡課畦丁以蔓蕪蒔瓜壺而應候時惟菜根可咬不覺肉食堪陋中餘隙地形限崇卑崇宜築室卑宜鑿池相度積歲乃使工師深及二仞沙石莫施慨原泉之不得奚多事而強為余興索然匠勞不憚請以石甃因以灰墁欲能不能悉由其美顧安得水乎對曰以井灌不日成之僅與掌同規建一亭計料命工工謝不逮余力亦窮乃折故屋暨其上以畢其功或曰陋如之何余謂愈于無而已矣必擊飛而棟隆周匝編竹間植野卉簿書之餘解帶徙倚朝斯夕斯曷



味是理面千疊之青山俯一勺之碧水來三徑之賓朋樂四時  
之紅紫額曰栽花處免俗聊爾爾當夫春日遲遲陽和布令桃  
李爭芳杏柳交暎木瓜先頻果舒妍香椽後海棠開盛于斯處  
也則有薔薇壓架枝纏七里香濃棠棣盈屏妝洗一簾梨靚者  
矣及夫長夏方炎赫曦肆塵歆堆鑿粟啗翻芍藥蘭蕙如釵結  
素心蒲萄似乳張青幕于斯處也則有數柄芰荷上下蜻蜒戲  
舞五色茉莉招邀蜂蝶來謹者矣若乃秋風響穉爽氣朝臨黃  
飄金粟白放玉簪萱號宜男光耀日葵能衛足錦成林于斯處  
也則有腸斷佳人應羨榴房多子甲膏菊婢常憐勝友同心者  
矣至若節入三冬寒生亭沼甘露囊垂冰梅妝編大夫五柏雪  
常封君子千竿風自掃于斯處也則有霜花一族稱萬壽以獨  
豐天竹等觀救千軍而共飽者矣池若牡丹富貴書帶吉祥此  
稱姊妹彼喚鴛鴦仙人擎掌鬼白流漿雞冠種別蝴蝶夢長朝

江油縣志

卷下

八

榮紫槿閨厄黃楊又若月季時芳刺梅香馥雪裡丹珠霜前赤  
穀孤頂旱蓮繁生蘭菊百合粉凝小桃紅蕨絲絆金荷紗剪秋  
穀以及鶻噪棗華鳩酣桑葚滿天燦星徧地鋪錦梳白亭亭蕉  
紅荏荏金銀氣馨櫻桃味稔水仙寄愁合歡蠲忿茲更引帶燕  
綴莫可形容悉盡者也于是屏塵累遣愁魔暢登眺玩薜蘿猿  
掛樹鹿眠坡花遶砌魚躍波俯仰適景物和顧雲山天嘯歌歌  
曰三載天涯兮誰與徒數椽托足兮聊自娛不雕不琢兮障籬  
除宜晴宜雨兮茂花蔬猗歟傳舍兮似隱居余號半隱兮夫豈  
誣重曰雞肋一官兮寄迹邊城江鄉萬里兮魂夢生驚欲住難  
住于欲行難行鬱鬱處此兮何以適情手自栽培兮學圃學耕  
時際大有兮四野風清願偕黎庶兮鼓舞昇平卷得句以為對  
兮懸乎前後左右之楹俾後之君子知所自兮不等于烏有與  
無名



詩

列匡山

唐邑李太白

晚峯如畫碧參差藤影風搖拂檻岳野逕未多將犬伴人間歸  
晚帶樵隨看雲客倚啼猿樹洗鉢僧臨失鶴一作鷺池莫怪無  
心戀清境已將書劍許明時

題江油射廳

前人

葭花深院裡傍砌水冷冷野燕巢官舍溪雲入古廳日斜孤吏  
過簾倦亂峯青五色神仙射焚香讀道經

遊賈圖山歷明月關俱有羅西華題續詩聞西

華從長陽告歸

缺二懷望賦此

明胡直

賈圖山外隔仙踪

相傳賈子明從此仙去

明月關頭路幾重遙望故人思

故國且從高燭躡高峯千尋飛棧天為畫萬折危巒鳥不逢獨

江油縣志 卷下

十九

羨使君歸計早岳前誰共挹孤松

秋日同戴西嶺遊大匡山覓李太白讀書臺懷吊四首

明閩人郭文洵

清秋小隊覓匡山吊古懷賢積翠間百代才華驚白眼千年書  
屋擁青鬢鳳輝此地金星降鯨駕何時碧海還展拜英靈泣涕  
淚仙魂應繞野雲閒

詞客西遊訪謫仙風流遺像灑依然調高寡和真堪慟才大難  
容史可憐今古詩名懸宇宙江山文藻麗雲烟屋梁落月疑顏  
色藜焰還看燭井墮

巖岫逶迤綺樹幽書臺岑寂枕丹 青山有淚酬千古白鶴何  
年近十洲後逸絕憐才命世豪雄猶覺氣橫秋賞音異代慚知  
已啼鳥哀猿并客愁

縹緗舊積翠微巔若蹟追尋杖履前忘却乾坤惟酒肆收將江



海總詩篇風塵獨立人瀛島時事休關世萬天指點長庚霄漢  
迥玄扃何處鎖青蓮

遊竇圖山二首

明楚余坤

峭壁千尋倚太空六丁神斧顯鴻濛劈開混沌陰陽骨剖破乾  
坤竒耦蹤寶劍斬空峯自闢仙橋繫鎖路難通子明從此飛昇  
去薄足玄溝瞬息中

丹崖立削聳萬仞真境竒觀駛閭公 鳳闕前覓洞府竇仙山  
頂邈玄風迴旋烟霧身同幻吞吐雲霞氣似虹避世叅同成吏  
隱洞簫吹徹碧天空

竇圖山漫吟

破山和尚

重岩之下草莽日交人影不來黃葉飄飄谷鳥晚啼山月夜高  
松露鶴飛濕我禪袍

抵江油任四首

蘇知棹

江油縣志 卷下

二十

縣自 今皇復壬寅大改元 縣自張賊唐後併入 山農兼菜麥

春宴只鷄豚灌木橫虛市飢鳥集破村行將洗荒穢質樸古風  
存

神仙凡五色采葯最宜秋少女通江堰 縣南有堰 微風挹縣樓 東

外舊有微風樓 崢嶸支獨樹汗漫東雙流 滄江東下 雙河 西 遠 流 婦子多

流寓呻吟盡室愁

遠岫浮沙磧晴灘學怒龍紅襟約社雨白鷺耗秋濤縣有茅容  
樹門侵仲蔚蒿長官嫌太瘦不為字人勞喜見茶瓜客空稱魚  
稻鄉秋梨米異縣春筍是家糧豹霧通官舍 署後 觀 種花覆講

堂何時能化俗冠帶盛儒裝

簡杭州親友二首

前人

難將宦景報江東十里溪山付寓公官路曲穿猿狖外人家羊  
住閣欄中間來頗覺詩情永春至惟憂酒殘空有客榆楊陶令



似南窓受日北窓風  
鷓鴣曾借一枝栖  
照夜嵐光濕翠微  
市小纔容三里霧  
人貧只著四時衣  
梅開棧閣春來早  
雪暗松門鴈到稀  
更事總無堪療病  
紅欄添種藥苗肥

將游圖山早發西平渡

前人

幕歷秋烟曉渡空  
柁痴榜弱不驚風  
中流細認仙游路  
寺裏千山黃葉中

凋灘高撼浪頭圓  
鳥外寒江柂渡船  
隔岸人家藏畫裡  
喬花如雪染秋白

韓童寺廢址

前人

興采今日擬開懷  
雲罨秋山亦復佳  
強項花殘留客樹  
寺今為田  
曲腰人指避兵崖  
短坪舊雨埋方礎  
破寺寒松折古釵  
不敢校

量筋力健十年前  
夢斷青鞋壬午游靈隱雲栖與汝為唱和今十年矣

飛天藏時了然和尚重修

前人

江油縣志 卷下

上人手中無一錢  
搬柴運水寒岩前  
花龕突如棟天半  
巨錐一舉千燈懸  
憶昔開堂始南宋  
飛閣斷淳熙  
年嵌空枿鑿呈巧製  
蟻孔曲闢難針穿  
五丁神力不易到  
經聲雷動剛風旋  
遠元至正乃重葺  
模糊絲鳳猶高鶯  
額書尚題梓州字  
鮮甲蝕筆蛟龍纏  
厥後梁益屢劫火  
靈光右殿仍巍然  
穴中烏鼠闖人久  
木冠金殿神無完  
虹梁半歇鴛尾裂  
誰與舉廢墜  
前緣雲巖上人矢  
願力土木窮美盈  
十千不日不月規  
締造好事肯令他人專  
自言經營慘淡處  
對佛頰首憂如煎  
十年身住心不住  
奔輪無恙推虛船  
法雲低暈白毫規  
慧日高鑄黃珠圓  
銅餅倒垂收塔影  
貝葉細帙供香筵  
巴西婦孺齊合爪  
此舉不朽堪流傳  
搜尋古碣之剩字  
琉璃碑嫩生秋烟  
他年只恐錫飛去  
悵望野鶴空摩天

上資圖山二首

前人



逶迤一徑高入山不見寺給野圍碧城羣峭蕭石氣排燈出鳥  
巢咫尺遂無地鬱然陰翳深所得在幽邃古樹無柔枝小草潤  
餘翠微風吹客襟刀刀驗秋意迴翔下界虛側足生憂悒寒蟲  
漸停聲修巖若有伺頓思覆棕亭天然妥位置羅踈山水田稻  
畦割香帔層嵐互明滅近遠各殊致一餉仙屏收不知飛雨至  
子明澹蕩人高致寄崑屋不耐冗長官蕭然遂初服坐茅隱漁  
釣白月滿山腹飄飄草帶香蘭氣秋更馥公乎真愛此佳境許  
誰屬我來仰前哲坐卧甫一宿欲見煉火人太白詩願隨子明  
去煉火出金丹  
雙髻毛髮綠婆娑芳樹間寒烟浮大陸寸雲合一拳頃刻衆皴  
伏當其澄霽時多景森在目何當稅塵鞅采真愜所欲洗手執  
仙經時還漱齒讀

鬼門關

前人

百丈玲瓏木可攀枉教人入鬼門關藤鬚不得粘為樹卵石無  
端疊作山子夜神香歸毒霧靈風秋殿閉陰森欲將飛魄凌空  
問問取蒼華短鬢斑

江油縣志

卷下

三

登嶽殿絕頂效昌黎體

前人

嶽力驚飛超隩區斷鳴吠纖步揭危密蟻負上垓塊柔荔高憂  
雲螺角歸青黛盤為雙髻撐臂作兩壁對劃勢虛中離凹影缺  
口兌下蹙無底阮納踵恐失墜我我開古殿龕登出幽靄絳節  
巢儀魂玉晨浮羽益願香拈首春翁嫗各羅拜巴賈資冥福輸  
質脫身罪修廊卓石笋環繫鐵鍊在曳若蛛絲飄虹線吐鰲背  
沙彌脚不掉翫翫踏無礙陰崖滅人踪孤峙儼遙待觀者色怒  
飛狡儉喜兇輩兇脛後維續年許及瓜代鐵索橋一少平橋日  
過焚香合有十歲童  
子也橋前  
已收採矣 凌空嫵娜時大伏佛力載浮危豈自知俯瞰乃心  
碎適來供幽事夷險吁可怪高明神所宅福地不敢效靈風塔  
然至靜極發虛籟軒軒天宇輝于此見四大雜樹尺寸強狂條



刀劍銳爬梳到石髮蘭香當杖佩茲舉亦足豪何必定登岱嶧  
憤過苔梯題詩白雲外

游雲巖寺四首

前人

雲巖垂百尺結構此稍蓋古广排僧榻華鯨孔佛龕蟲聲離藥  
草人語帶秋嵐欲證無生訣應同靜者談謂了然上人

合掌見諸天清冷可悟禪佛頭極大鳥猿臂渴秋泉虛閣烟光

入崩崖石蒂懸粘香微一爇相視菊花前時重九日

欲問修持力多年杜德機山神騎虎過童子咒泉飛粟鳴祖先

喜花宮燕早歸寺中分節候了晚吳日時即添衣

採芳尋斷逕施食及佳晨上客紅蓮飯高僧白氎巾蔬糲登蜀

芋鄉菜漫湖尊口孽知予淺空為五斗人

登超然亭二首

前人

孤宦留餘跡天涯見此亭江清園一帶地迥劃雙屏桂蓋仙人

江油縣志 卷下

三

宅苔花短薄廳子明曹為直知塵徑遠長嘯動滄溟

老屋寒雲護迎仙亦隩區懸燈千手拜帶索一僧趨川冷春無

脚膝高樹有鬚眼花迷象外頓覺此身無

觀霧山

山為江油林壑之冠絕頂為普賢大士道場殿後有洞然上人結夏有羊蒲蓮勝藥賦

前人

杖錫住十年欣賞岩中趣龍門突兀區觀霧誰與佻重岡纍縣

北多石獨淺土整衣削孤崖隸墨鮮洞戶有密裡盤衣陰房窈

而深壁色溜幽乳四時占秋香花肖月中樹有柱尺許坐令鼻

觀通禪悅妙如許惜哉懸崖傾攀藤無過窈洞門光相現怪氣

凝物吐布為黃金田芒彩曳素縷天花如電射落手不暇取圓

光照普賢騎坐毛蟲祖平鋪下界色猛撒上方雨夜神亦受記

洞名春燈百枝舞其光欲薰天繁星繁可數上人愛此景雙

掌為之撫吾聞開蜀鎮蛾眉古盟主下睇皆而孫林樾左右輔



仰摩鐵瓦殿茲山亦軒舉薄藹春多烟微雪夏無暑倘非萬靈  
趨莫敢踞哮虎我將却塵櫻遠興發手楚嬰孩卧轆轤厭人作  
險語未信緣尚慳或諒神所予起看香篆銷姑請停談塵

匡山二首

前·人

朝陽不滿樹取徑登崢嶸靈溪間無語始聞初蟬鳴我采窮幽  
遐眺遠抒遙情崑端達羽士道氣凝輕清乃知遊物外軒軒謝  
塵纓迴谿遙忽轉苔梯滑難行春林脫紅葉拾之懷憂驚恐杖  
華山雨龍孺瓜甲生飄飄上危崖潛狙紛相迎瑤草瀦斷澗晨  
霞澹餘明翹首望精舍蕭爽開軒楹。

大匡何清幽茲遊領奇趣蒼厓如壁立象形毋迺誤廬岳匪其  
朋嘉名聞已素惜無康王簾但缺開先布李侯讀書地秀氣遠  
迴互頭白不歸來令人增餘慕後人詆扶事妄解杜陵句說詩  
責性靈何必鑿其處 晨策杖行靈巽亦奔赴願楹不數椽坐

江油縣志

卷下

二四

感興廢 花映畫梁雲禽轉名園樹仙境足忘憂從人索茗

過大明菴二首

前·人

過溪泉石足幽攀寺在丹崖翠壑間猿株蕨花歸別洞鷓啣茶  
子種他山斷碑沒字金苔滋深殿無人玉磬閒習靜不妨來此  
住剝烟籠澗隱潺湲

洗眼曾挑碧澗泉鐘魚仍記大明年琪花咫尺春蘿隔縣市微  
茫曲檻懸玉版同邀燒笋會紫芽初展開茶天難忘舊日尋詩  
約一踏殘山信有緣

中和寺二首

前·人

開山始李唐長眉結僧臘寺門凝古陰佳樹忽四合老檜吟丈  
風寒韻灑颯杳同游各坐卧差喜賓不雜洗碑讀蟲文樞本手  
自榻谷神時一鳴樵響或遙答宜乘灝氣行長蕭披闔闔  
嵒房窅且深亭午嵐光散白雲如春衣羅縷吹欲斷道流為予



言美景足幽玩四火皆鳥吟六時但猿換坐聞急雨鳴飛湍出  
石研水簾遲不下窈窕曳天半何減九疊屏深射瀑光亂無人  
此銷夏知希古所嘆茲山產乳芽聞茗互譏噴狂呼王川子薄  
啜亦健美一盃香飯分俯影日未盱

太白臺孤松二絕

前人

酒中仙見小枝生三品風次五鬣晴學得髯龍聽春雨空山疑  
有弄濤聲

遙聞石齒漱寒江燒草空留野火腔時被火騰得盛唐十尺樹綠  
陰圓覆讀書窓

尋矢鶴池二絕

前人

有鶴梳翎認故池雨還風去亦多時縱然水淺魚稀後想見殘  
花作意吹

爬梳神漢許幽探僧影依稀印淥潭肯向池頭嘗勺水絕勝井

江油縣志 卷下

三五

底照蘇耽

下庄渠

前人

言尋樵逕出覓渡野橋邊門巷掃蚕紙人家種杏田下方深見  
樹半嶺迥聞泉迴望樞真處初驚夢路懸

舊縣二首

前人

井道人烟合家家學灌園春衫前度客喬木舊時村村多古木買藥  
留茅屋尋花沂水源探山曾有約已覺遠煩喧

滿眼睛繙集花陰好襖衣雙情團跌碟一色弄薔薇竹暗溪聲  
減苔生人跡稀遙看雲過處仙吏有鳧飛

欲登天倉山不果

前人

道人高居絳節宮招我遠踏青城峯香火結願勞夢想鎮日為  
誰佳氣濃佳氣蜿蜒數百里疊嶺連岡不記重泉峯迴翔一峯  
峙芒焰夜吐金芙蓉太乙樞真此昇煉鈎梯直上千蒼穹攀蘿



捫葛得古洞，圭竇止容徂。倭躬方廣，但覺架屋小。覆盎窅與仙。

槎通天倉二洞互如堂如戶，差舉似結構。岩穴需神功，乳床忽

芭紅。迤迤陰壁自凍花，蒙茸數折乃聞水。簾落乍聽投石聲，空

磴瓊樓平行可。跣坐紫文袖，面開仙容上。盤到岑下穿，壑未判

昏曉。難搜窮巨靈，擘此泐寥曉。不我遺棄荒，迺傳聞幽窟富。

靈異祭潭之水，守以龍。汲瓶未出雨，師怒雷霆吐。瘖驚乾封水

非大旱不敢取過溪髣髴美人語，鐵船待駕撞顛風。神魚跳擲撒波響，

柔櫓鴉軋鳴晴江。相傳人入洞底見珠游人到此亦驚怖，兩股

戰慄心怔忡。亟呼徒侶認故步，混沌鑿死荒。鴻濛飛蛇不下善

虎伏濕烟呼吸寒，颯衝遙看洞門滲。日影仰見赤曜撐，雙瞳紫

纍石麪積無美麥，光肥贖如新。礮上天亦運，左旋磨箕簸。斗搗

將毋同錕錐，剗剗雲母碎。餅餌作飯紅蓮紅，天田有粒時狼戾

儲此萬寶極年凶。洞屋石起可食遊仙福淺未得至，名山靚面愁難逢。

手展圖經自盤礴，願供井磴階春農。坡詩何當未世結香何時

定扶雙鳧去，矯首欲躡行雲蹤。

遊匡山踵太白出山詩韻 前人

文章尚覺光芒在，綵鳳歲蕤勢欲垂。濁酒只應天亦醉，仙人長

與月相隨。烟糊破寺千家雨，水展新蒲四月池。一枕名山春夢

斷重遊，未審復何時。

送彭明府之任江油 深陽戴翔虹制

君鬢星星我髮霜，四十年交情未涼。君旣一枝攀天香，今復百

里單琴張。我長于君力雖強，硯猶在匣筆在囊。歲歲携向遠佛

場，徒讓得意人騰驤。伏櫪不肯辭鞭韉，希或一顧逢孫陽。但昔

意氣同頡頏，早晚君行縮同章。竹馬來迎渝蜀岡，入境山先見

大匡。江油地古屬氐羌，置邑居民自漢唐。太白曾爵江油觴，江

油令築臺于堂為愛太白，有詩賜其尋覽時。可相將君知詩亦

亦



我所長臨風能不念無忘所恨老暗槐花並兩脚欲趁舉子忙  
夜觀三條蠟燭光弗敢從遊恣衲祥符聽君政頌循良承 恩  
詔入佐嚴廊此時我若眉得揚狂手一笑話故鄉

前題

蘇州沈 江潤陽

烟樓曾探神禹文蓮華識得巨靈分要君更一雄奇趣巫峽濤  
流棧閣雲

為政風流在此間登臨逸興得優閒况從太白臺前望自有匡  
山與華山

抵江油任寄都中親友

如嶽彭 址

廿載詩書債未酬隆冬拚檄到江油山多烟霧人稀見地少桑  
麻歲儉收三里城圯如破寺一官髡繫似竊囚京華親友應相  
憶聊托郵筒寄遠愁

浴佛日遊寶圖山四首

前人

江油縣志 卷下

三七

為訪仙踪去有寶圖山古道場層崖疲馬蹠亂石走羊腸逕

雜林花色燼焚柏子香巍瞻嶽殿迥扶掖上高岡

樹頭禱影動香會隔程來進香者不遠供客饒山菽烹茶薦蜜

梅珠泉緣澗滴線景劈峯開藏殿貽留遠延僧問劫反飛天藏建日宋

百尺巘雙峙懸空架索橋烟霞眼底澗香火望中迷代有僧能

渡心惟一僧能知無隱可招朱侯碑記在讀罷龜雲霄

去年浴佛節猶憶住京華頻走豐臺騎貪看芍藥花茲遊禪室

靜不覺俗情遐歸訪盈疇表青黃一望嘉

陽亭勸農

前人

陽亭十里勸農桑薄暮歸來緩鞚羶日落沙堤人待渡渴臨茅  
店酒如漿一蟬鼓翼風初靜片月當頭夜已涼差喜今年饒堰  
水高低阡陌盡栽秧



武都壩勸農

前人

無多業績一朝清又出春郊勸耦耕山霧連天愁不捲河流添  
雨怒難平短垣時見蝸留篆小院微聞花落聲到處停鞭孰老  
稚辛勤應卜好收成

塘村勸農

前人

送春風雨苦連綿却喜今朝霽景偏日暖沙田看麥熟水清蹊  
澗任牛眠好音時聽金衣詔醫俗常親玉板禪晚去塘村乘款  
段半規明月照吟鞭

羅漢壩勸農

一名雙流壩

前人

雙流遙睇眼分明二麥將收布穀鳴山頂雨停雲漸斂林端風  
細鳥無驚禪房花木晚幽興村舍鷄豚樂太平為語居民農事  
急新頌諭旨勸勤耕

新開山

前人

江油縣志 卷下

六

清和節候麥齊抽策騎新開山畔遊梁燕已離春信香竹林初  
長雨聲留千層灌木藏村落一道飛泉滙澗流到處濃香風過  
去野薔薇簇錦纏頭

讀書臺懷古

前人

大匡山勢鬱崔巍上有李白讀書臺界落邊荒遊屐少我來訪  
右山之隈臺畔蒼松色如鐵云是太白手所植岩下清池水細  
流鶴飛不見草如織撫松汲水呼謫仙滿携斗酒索詩篇層峯  
拱立寂無語野猿怪鳥啼寒烟不知當日讀何書狂吟豪飲吞  
六虛沉香亭上君恩重徂徠山中酒友踈大憫心懷脫靴耻讒  
動宮闈棄才子天寶離亂走西蜀胡不奔赴還鄉里永王應驛  
成蛇足夜郎赦後尋陽獄放浪天涯實可悲故山空自留遺蹟  
吁嗟乎自古才名多不偶同時冷落浣花叟一代詩人並坎坷  
千秋忠節知誰答



樂靜庵春眺

前人

趁晴小队入山來，樂靜庵空鎖碧苔。  
芳草不隨荒廟歇，杏花猶傍斷碑開。  
白魚導水曾成堰，相傳白魚引水至此，為婦人所觸飛去。綠苔烹泉絕點埃。  
覓得黃楊葉似豆，一株移向古廳栽。

西平渡觀水

前人

入夏多風雨，崇山瀉急湍。  
勢雄推石墮，浪猛毀隄寬。  
戚戚心憂潦，時時衣怯單。  
渡頭人跡少，來往一舟難。

桂馥軒新葺

前人

霉濕經旬滑似油，桂軒版築恰如舟。  
園山霧起迷青眼，逸樹禽飛見白頭。  
市上日高人未集，瓶中粟罄嵐仍偷。  
半庭積水深三尺，贏得蛙聲閣閣愁。

古廳新葺

前人

東風吹遍柳條拖，矮築泥垣掛薜蘿。  
村舍已聞蠶作繭，公庭惟有雀堪羅。  
連宵疎雨紅啼樹，十里橫流綠漲波。  
消受一春書判暇，婆婆老桂長新柯。

古廳芍藥

前人

古廳數弓地，課了藝芍藥。  
三月盛花開，如盤復如杓。  
艷質傾城國，濃香溢簾幕。  
姚黃固佳麗，稱婢殊輕薄。  
憶昔在京華，豐臺歲行樂。  
觸目花成海，車騎填溪壑。  
又憶遊淮濱，誰園赴友約。  
逸亭千百本，錦繡紛交錯。  
對此一回首，不覺景猶昨。  
雕欄乏護持，冷署聊寄託。  
莫笑主人窮，招邀動杯酌。  
莫訝主人俗，吟詠自酬酢。  
莫解主人愁，萬里歸程惡。  
莫怪主人憐，白日未零落。  
輕風徐糝來，細雨微潤着。  
紅粉闌妝齊，蜂蝶爭相讎。  
幸我安眠食，借爾消寂寞。  
豐臺與誰園，何必定為若。

亭池階徐子雨田避暑

前人

濕蒸三伏後，涼納小亭中。  
樹底瓜懸綠，蔬傍花開紅。  
滂沱雨



雨時多瀟灑北窓風信手敲碁子相忘拙與工  
冷署高春日荒城深尺泥逐糴看蟻集抱樹聽蟬嘶竹漏引泉  
細秋枝着雨低臨池魚避影未許一竿進

遊天倉山乾元洞六首

前人

開道乾元勝三年負素懷今朝風日美行野麥菽佳橋仄橫撐  
木堤危叠護柴因明禪院古宿田茶笋供清齋

躋攀歷險隘扶掖到天倉好鳥時相喚閒花自吐芳干尋岩拱  
翠百尺澗流長鐘磬聲方寂青椒蚤點湯道人以余不飲茶乃

穹同層折上仙洞絕幽深石粉堪充餌有石起寒泉可滌襟  
僂三竇由有三層聳龜九龍森九龍洞九杳冥殊難測天橋莫

敢臨至天生橋列炬破幽岵岵山腹中象形連側倦百石側微異舫難通有

未見澗及堪祈雨大雨早汲水門灣恰息風相傳風門滅朝真信

江油縣志 卷下

有迢奇士疊排空

茲遊良不易倦倚小樓高藏經樓舊袖拂雲烟迥坐忘塵俗翫  
穿林驚卧犬隔嶺聽啼猿迎送五花石黃冠亦覺勞僧道送迎

限為坡田間荒熟鳩語半陰晴掃蕪拳殘碣停鞭勸力耕慚無濟勝  
具聊適宦遊情歸覓山蹊還羊腸關路行

江油竹枝詞十二首 小序

前人

三載江城一官能繫截長補短幅幘不及附庸獎善懲頑習  
尚未臻仁厚况其細已甚急欲興所當興或曰陋如何無柰  
草仍難草衣食不善為計禮法罔識其非言者諄諄聽之漠  
漠豈因陋就簡地固有所拘而易俗移風吏終不能得耶蓋  
邑猶草創生聚未遑而術愧迂踈變更非驟前編歌咏以勸  
士民茲撰詞章亦寓教戒云爾



相沿習俗改難圖三載空勞筆舌枯生計周思刑罰辱痴頑偏  
只愛樛栢

寒生肌粟計如何丈布斤綿便可過怪不覓衣惟覓酒酒錢積  
笑較衣多

禾苗也識及時我農力都無糞與反蓄水乏池車具少但祈春  
雨自天來

樂歲糧無一歲存倉廩不設飽難豚訛傳霉濕難收貯稍遇年  
飢便捱根羊荒極甚  
根而食

疎竹編牆指罽寬任他風雨不遑瞞辛勤好把泥灰抹家室無  
虞說夢安

山鏡竹木水魚蛙美利隨人好作家工藝不勤漁獵懶却生妄  
想云淘沙

郊原放畜或通衢收繫何嘗有牧奴柵柵絕無無覓處可知焉

江油縣志 卷下

不用穿窬

藥苗遍地未知名疾病年年春夏生多不信醫偏信鬼端公打  
鼓鬧三更俗呼  
為端公

布縛頭腰冠帶稀蚕綿亦有織無機冬裘夏葛雖難辨終歲何  
堪只一衣

祀神祝 聖禮儀多鼓樂無聞管絃訛邑瘵未成文獻缺擬將  
荒陋變雍和

鉦福前導會燒香祭禱爐焚紙幾張高唱彌陀勤路拜圍山霧  
嶺一春忙

鄉城屋舍盡節淡爐火須防焰起時漫把柳腔已調學關心且  
唱竹枝詞

池亭避暑酬彭明府

宣城 徐霖

避暑池亭好清流竹引游倚牕先得月安壁不遶山波暖魚兒



出巢成燕子聞案頭無俗事相對亦開顏

西平古渡

以下江油八景

教諭陳幹

澄清江水碧於油絡繹人紛古渡頭綠柳垂陰波底拂青山倒影鏡中浮印湏有約呼舟子樂爾忘機羨野鷗好景撩人描不盡忽驚漁唱過前洲

圖嶺飛橋

幻將鐵索架飛橋世路塵氛到此消並峙雙峰探碧落高擎一綫渡青霄難如蜀道形彌險勢擬天衢步若招一自掛冠人去後神仙踪跡望遙遙

實子明在此山仙去

龍門曉月

龍門勝蹟喜相過一帶重陰綠樹多怪石和烟含曉翠落花飛片點晴波雲流洞口鷺魚夢風動林梢喚鳥歌最是五更清絕處一灣殘月在藤蘿

江油縣志 卷下

三二

陽坡晚晴

雨霽郊原叫暮鴉綠楊深處有人家暉凝圖嶺雲猶濕爽接陽坡路轉賒泊岫漁舟收網罟荷鋤野老話桑麻雍熙景象真堪繪山色霏微美晚霞

匡岫賢蹤

李白讀書處

謫仙臺榭已成荒詞賦風流獨擅唐嶺上烟雲留翰墨山頭花鳥是文章青蓮社裡歌聲在失鶴池邊味嘆長幾度登臨追勝概徘徊不捨舊書堂

霧山靈雨

此山有霧必雨

奇山奇景傳天下奇似此山景更奇乍見峰頭霧起處早知城畔雨來時陰晴不用著龜卜豐歉能將造化司願借山靈調玉燭年年人賦大田詩

天柱樵歌



古木長林野趣多白雲堆裡起樵歌聲隨鳥韻來幽谷人帶花  
香度遠坡籠辱無關憑唱和斧斤為伴任婆婆捲風荷雨當前  
樂何必荒唐說

金光仙洞

嶮岩幽洞覓仙源一片光開另有天蓮柱雲封堆石粉內有石  
麵可食

丹爐雨過匝苔錢甘泉濺地寒生王古栢干霄暖帶烟摸索真

人騰化處相傳太乙  
真人居此依稀身畔响笙絃

前題八景

江都胡時錦

誰鑿浚江繞郭偏津頭風物自年年浸沙細草留行徑夾岸垂

楊出渡船雙槳蕩殘千頃練片帆衝破一川烟遠汀剩有閒鷗

鳥泛泛輕波闊變遷西平  
古渡

傳道江油竇子明不為仙吏學長生却拋五斗求金錄直占三

峯近玉清鑿斷雲根橫鐵鎖劈開岩頂駕長鯨我來欲渡趙趙

江油縣志 卷下

返悔不凡軀似羽輕圖嶺  
飛橋

疏鑿何年古洞存蒼蒼曉色鬱龍門素蟾影漸沉蛟窟明鏡光

如浸玉盆散盡宿雲磨復盪結來初霧吐還吞荻花蘆葉搖秋

浦啞啞雞聲正出村龍門  
曉月

放陽坡麓笠亭微阡陌如枰錯繡園深樹蒼黃留返照遙山明

滅送斜暉雲生野寺清鐘度烟滿魚梁白鳥歸一杖行吟憐暝

色金霞散漫映裳衣陽坡  
晚晴

浮世浮名過眼埃青蓮尚有讀書臺檻前古栢亭亭秀窻外奇

峯面面未詩句空憐仙鶴失江聲猶憶錦袍迴夜深月下聞天

籟疑是夢吟對酒杯匡岫  
賢踪

萬丈洪崖倚太空羣峰環伏獨稱雄祈求每慰蒼生望呼吸應

知御座通疑霧疑烟繞觸石為霖為雨倏驅風山靈不使驕陽

虐大地咸歌造化功霧山  
靈雨



石膏何年此琢磨峻嶒如柱柱天河輕雲搖蕩白于練萬木陰  
森綠若莎幽谷丁丁傳斧韻空林最長起樵歌應知有客棲巖  
穴莫戀看碁恐爛柯天柱樵歌

太乙仙壇白玉樓蒼莖迥出繡巖頭砂間時數神人跡洞底誰  
維頑鐵舟玄鶴不歸丹竈冷青霞常護石蓮幽夜深髣髴聞環  
珮三十六峯明月秋金仙洞

前題八景

首親色

阿逆瞿輩祚

風輕浪細夕陽天古渡西平開扣舷青草漲添一棹雨綠楊村  
隔片帆烟歸來范蠡五湖客別去張騫八月仙我對秋颺欲共  
濟鱸肥萼美路三千西平古渡

漫驚鳥道與羊腸圍嶺飛橋險莫當雲破兩峯并剪立虹章一  
線錦絃張仙關獨闢牢加鎖天柱雙擎危架梁何事老僧臨此  
渡芒鞋踏處總康莊圍嶺飛橋

江油縣志

卷下

三四

河沒星竦鳥亂啼關山一片月清淒曙煙輕透水光薄曉樹深  
留桂魄低鵲繞初驚五夜後免違猶戀數峯西庾樓水夕歸來  
客興到龍門第幾溪龍門曉月

陽坡極目送斜暉霽色蒼茫帶翠微霞護半天日恰落烟壘深  
樹鳥初歸圖峯雙峽晴嵐晚涪水一灣暮靄飛十里平川無障  
碍孤雲飄泊欲何依陽坡晚晴

結廬匡岫傲乾坤斗酒百篇誰與倫詩句空留芳草怨書聲已  
斷夜臺昏青雲一就長安道白首不歸西蜀魂悵望天山訪道  
處兩三松下夕陽村匡岫賢踪





勘誤表

卷下十二頁十二行「判生元延壽」漏「延壽」二字。

卷下十五頁二十二行「以苦邑之」漏「告」字。

卷下十九頁七行「野蕪巢官余」應為「野蕪巢官舍」。

卷下三十頁十四行「奇士登」應為「奇石登」。